



感應篇



感應篇靈驗記

空同體玄子重刊



昔峨眉令奉議郎王湘紹興辛巳歲回觀此篇焚香誓行  
數十事後氣疾昏悶殊絕更衣而卧男女環泣覺身在半  
空間哭聲微如蜂蠅少頃有人云王湘方欲行感應篇真  
樂善者且速放還已而遂甦○遂寧府周箎因獲此篇  
日逐觀閱又好與人演說紹興二十一年二月二十一日暴死  
經日還魂謂妻曰有人追去陰司見庭下皆立籃縷人  
各有力士執州府旗號管押箎被驅立本州旗下顧盼  
左右半是鄉里餓死者心甚恐怖俄頃呼至殿下瞻殿上坐  
者如人間畫星官像呼箎諭曰汝本在饑饉籍中以汝欽  
奉太上感應篇為人演說汝雖欲行未及二三然聞而回心  
為善者多亦有行持而證仙果者皆因汝

至已改注壽祿籍訖放還之後堅固善心可證大道不復來此箒既出忽一吏戒曰汝還陽間更宜將感應篇廣行流布若一方受持則一方免難天下受持天下豐治傳受之士功業不淺非但脫水火盜賊疾苦之厄可求男嗣添注壽祿富貴之籍富貴之士可得神仙箒因省以其事警世○噫即此知彼二人但興一念而報應已若是其有信心力行更相關導引接未來積之以漸持之以久則天地鬼神森列昭布豈無助於冥冥之中哉

天師遺教上三頌

人之性	湛然圓寂	涉境對動	種種皆妄
一念失正	即是地獄	敬誦斯文	髮立汗下
熨熾心火	馴服氣馬	既以自鏡	且告迷者

太上感應篇卷第一

西蜀李

昌齡傳

四明鄭

清之贊

太上曰禍福無門唯人自召

**傳曰**一念未起則方寸湛然有同太虛何者為善何者為惡及一念纔起趣向不同善惡既殊禍福即異此**太上**所以言禍福無門唯人自召也大抵一念起處即禍福之門也篇中之言皆其事也昔**衛仲達**初為館職被攝至冥司冥官命吏呈其善惡二錄比至則惡錄盈庭而善錄纔如筋小官色變索秤稱之既而小軸乃能壓起惡錄地為之動官乃喜曰君可出矣**仲達**曰某未四十安得過惡如是之多乎官曰不

然但一念不正此即書之不待其犯也。**仲達**曰然則小軸中所書何事官曰朝廷嘗大興工役修三山石橋君上疏諫止之此諫藁也。**仲達**曰某雖言之朝廷初不從於事何益而能有如是之力乎官曰朝廷雖不從然念之在君者已是向使聽從則君善力何止如是將見乘此而立獲度世矣尚安得而攝君乎奈何惡念太多力已減半不可復望大拜後果止於吏部尚書。嗚呼。**仲達**之惡止是空有其念尚至一旦損盡合作宰相之福况本自猥薄而又多真犯者乎於此益知一念起處信為禍福之門也。是故**趙康靖公**製嘗置瓶豆二物於几案間每一念起必隨善惡以豆別之善則投一白豆於白瓶中惡則投一黑豆於

黑瓶中初則黑豆絕多既而漸少久而善惡二念都忘瓶豆二物亦俱棄而不用此蓋消磨至於瑩徹無復可以記別者也。嗟乎世人方寸之間波瀾萬丈尚何望如**趙康靖**之至于瑩徹乎將見損福如**衛若**也。

**贊**曰福本自求孽由自作同出念慮分為善惡吉凶感召影響醜酢母待已形所貴先覺致力於斯俯仰無忤

善惡之報如影隨形

**傳**曰善惡之報而以形影為言者謂作善得善作惡得惡亦猶形之必有影也。昔**曹彬**忠誠事君謙恭自處不急貨利不樹私恩振乏絕恤鰥寡喜愠莫見不以富貴驕人雖帥師征討未嘗妄殺初破遂州諸將

皆欲屠城公獨執爲不可及伐金陵必先焚香誓衆  
城下之日無得妄殺一人舉此二端餘悉可見前後  
全活可勝言哉又如捨怨而雪昌言自誣而救全斌  
緩決新婚之吏不傷已蟄之虫皆盛德也是故諸子  
皆賢令璋琮璨繼領旄鉞少子珙追封王爵實生光  
獻太后以至濟陰生享王爵子孫昌盛近世無比然  
則爲善之報豈不如影隨形乎閩中國計使薛文傑  
常與內樞密吳英有隙一日閩王鏐使巫徐彥視鬼  
宮中文傑因令以英將反爲對鏐信而殺英時英又  
典閩兵軍士悅附聞鏐死無不切齒適吳人攻建  
州鏐發兵救之軍旣發乃逗遛不進必欲得文傑而  
後行鏐不得已以檻車械送軍士得之鬻食立盡初

文傑之爲鏐造此車也謂舊制無他苦於是自出新  
意車內皆周植鐵鉗鉗皆內向使檻送者居中不得  
動轉動即爲鉗所刺其意必有所主無何未及施用  
至是乃身自嘗之然則爲惡之報豈不如影隨形乎  
贊曰理有施報出於自然如種五穀刈穫有年如  
植荆棘久則蔓延易稱善惡必以積言勿以其事  
責諸目前

是以天地有司過之神依人所犯輕重以奪人筭

傳曰按北帝大伏魔神呪等經下方正北有一大海  
穢惡腥黑莫測邊際中有一山高十萬六千里上參  
碧落下入風泉名曰北都羅艷山山近水面有一大  
洞名曰陰景天宮周回三萬六千里中有三十七獄

獄中草木皆直自然惡毒之氣鋒鋷風利甚於劒戟  
主此洞者名曰**太陰天君**助治四人一曰**東斗斗中**  
**生炁君**二曰**西斗斗中成形君**三曰**南斗斗中司禁**  
**君**四曰**北斗斗中司命君**此洞之外山上別有六洞  
**六天大魔**各主其一即太陰天君外六曹也**六曹小**  
**吏**合有三十六萬人皆異狀殊形凶惡醜怪第一洞  
名紂絕陰天宮主財物能令人虛耗流散人之初死  
首詣此宮但凡豐都之事無不關白亦猶州縣之獄  
終當送臺定其罪名第二洞名泰殺諒事宗天宮主  
命運能令人功名不遂官爵退失此宮諸煞鬼所居  
專主收煞暴亡卒死皆此所攝也第三洞名明晨耐  
犯武城天宮主福祿能令人四方空塞不得通快聖

人賢人去世皆先經此受事第四洞名恬怡壽藏天  
宮主田宅能令人死喪疾疢災火鬼怪宅舍不安禍  
福吉凶長短罪害處決於此第五洞名宗靈七非天  
宮主夫妻能令人夫死妻亡乖爭離背第六洞名敢  
司連宛屢天宮主子孫能令人養育不成死喪絕滅  
經云人若能持此六宮名號常生敬畏者即得魔王  
保舉削落罪名生死受賴獲福無窮已上六宮亦名  
六害常與太陰天君洞中六宮互相關報主執罪罰  
六宮之下又有**三小宮**一曰天官二曰地官三曰  
水官官即六大洞官所署之官專主刑名之職最爲  
追呼要司也三官之下又有**九令**土主即九州之主  
也**五嶽府君**二十四炁治山陰官二十四炁君治山

乃二十八宿之陰獄乃至河海掾吏丘陵溪洞主者  
各各秉命列爲屬吏夫酆都者天地司過之都司也  
九令五嶽者酆都之子司也令嶽以下所在冥曹又  
令嶽之子司也分司列局因事授職千千萬萬何可  
勝言不聞嶽司近又增置一舉意司乎其司共有五  
案六負判官專主關達人之事始事始者即人之起  
意處也善惡功過纖悉皆書既書即以達於更生虞  
公御史曰公所主之司此司得之又復籍爲二簿達  
於酆都中獄定予定奪二司定予司則皆青蓮寶座  
定奪司則皆荆棘蕪藜予奪二司亦近自紹興二十  
八年方置至軋道八年校勘其以善而獲增紀福者  
四方止有二千八百六人以惡而將入荆棘者四方

却有八千七百六十一人便可見爲善者少而爲惡  
者多也大抵荆棘之獄端爲欺詐姦邪者設行住坐  
卧荆棘蒙縛極爲苦楚嗚呼今日身被蒙縛豈不亦  
猶昔日欺詐姦邪人被蒙縛乎若夫滅奪之說則當  
隨文引證茲不復載

**贊曰**天地鬼神森列昭布陰誅冥責烈於刀鋸依  
過定罪毫髮不恕筭既可奪壽豈難注不睹不聞  
宜益戒懼

筭減則貧耗多逢憂患

**傳曰**道藏紀筭錄云清齋一旬增筭十紀清齋一日  
增筭十旬清齋者心齋也一經減筭即爲有過之人  
貧耗憂患何所不有昔奉符令**錢若愚**早歲補官姦



險很復在處多不成任晚益迤蹇子女淪喪觸目無聊因投詞於龍虎山叩頭禱謝是夕夢一神叱曰汝甚險很復奪筭將盡尚何謝為未幾果卒櫟陽尉郭郭官不得調音蹇迤蹇無所不至雖至親密友亦漸踈斥每倦悶間即見二物狀如猿狖跳躑其旁心大惡之祛亦不可避亦不可忽一日乃自言曰吾乃主世之虛耗者也君既獲罪故吾得以擾君今數滿當去可享安矣果如言此皆筭減則貧耗多逢憂患者也嗚呼與其至此孰若速自澡雪無令至此乎

**替白**人之賦壽如木有根隨其生植脩短所存沃以膏潤枝條苾芬乃或戕伐枯悴日聞栽培傾覆天何心去

人皆惡之

**傳曰**按七星移度經陰匿闇昧伏姦藏欺不義不仁無恩無德此定為大惡人陰匿闇昧伏姦藏欺不義不仁固大惡無德無恩亦大惡歟大抵無德無恩則功不及人陰匿闇昧伏姦藏欺不義不仁則害必及物其為不善實皆一也今為人而至使人皆惡者必自取也昔丁晉公與寇萊公同在政府天下之人知與不知識與不識聞萊公之名則必許為忠蓋聞晉公之名則必目為姦諛聞一善必以歸萊公未必皆晉公所為也聞一不善必以歸晉公未必皆晉公所為也物論如此而鯨波之涉竟如此豈非功不及人而害多及物乎經云喜集則福生怨積則禍至信

不誣矣。昔杜祁公知虢州歲未滿改知鳳州二州之民爭于界上一曰我公也汝奪之一曰今我公也汝何有焉。張忠定再鎮蜀蜀中之民無不鼓舞相慶如赤子之父失父母知公之來必能復鞠我也至今尸而祝之社而稷之然則二邦之民所以喜二公者為如何嗚呼與其怨積孰若喜集戒哉

**贊曰**西子不潔掩鼻過之滄浪之濁濯足是宜美惡自取尤人何為梟獍蝮蠍唾逐恐遲愛人不親反已可知

刑禍隨之

**傳曰**太虛真人南嶽赤石道人若遇我以禍但以福往自然福德之氣恒生於我害氣重殃自生於彼此

學道之大行也然則刑禍隨者豈非害氣重殃恒在於身乎苟為不然胡為所至輒與刑禍會也不聞盧劉之事乎。昔盧劉氣質文貌皆足過人人與之交必遭橫禍時元伯和為軍司馬聞而不信召與之飲宴未終而節度陳少游已遣軍吏縛伯和而去矣或以告少游少游亦不信曰伯和自當有罪嬰何預焉吾將薦而官之及至潼關則上已幸奉天矣又有劉甲者亦如嬰之為人人與之交必及於禍士子王建獨謂不然曰但人偶有灾耳甲何預焉甲聞大喜急往謝之相與談論久之乃退未幾建遠失火人因目為鴛鴦或遇諸途無不急走遠避惟恐避之之不速也嗚呼盧劉如此而所至輒如此亦建之言豈不然乎

**贊曰**人之隱慝爲於無形厭音然掩覆更竊美名高談理義自詭廉清謂可欺世永享安榮孰伺其後人禍天刑

吉慶避之

**傳曰**南嶽言星君天極真人徐來勒曰若能尅意爲善自然動與福會然則吉慶避者豈非不能尅意爲善而至然乎大抵非吉慶避之其福德淺薄自不能與吉慶會也昔唐太宗作端拱樓聞善書龍水召之使畫於壁羽用意精妙半年乃成自謂天下絕筆及太宗引嬪御登樓觀賞無何太子見龍大驚立命汚漫半年工夫一旦無用鄰使皇子不驚重恩數豈在明日也公鎮鄱陽有書生獻詩甚工自

言平生未嘗一飽可謂天下之至飢者時士夫盛習

**歐陽率更**字惠本直千錢薦福寺碑乃其本也公備紙墨使匠打千本俾售于京無何震霆暴作碑遂碎爲數片百萬之錢一旦失望鄰使碑不擊碎書生享用其有窮乎於此益知吉慶避者非言慶避之其福德淺薄自不能與吉慶會也

**贊曰**淑慝以類吉凶在人譬如儀鳳不棲荆榛虺蜴之窟豈產珠珍冰雪凝沍寒谷不春一氣所感當識其因

惡星災之

**傳曰**按十一曜大消災神呪經欲界衆生不修正道不知有五行推運十一曜照臨主其灾福至如土火

留伏金木凌犯羅計孛逆日月薄蝕乃至州縣播遷  
人民災難水火蟲蝗刀兵相犯悉皆由也。又按**七星**  
**神呪經**天地設位乃建五行巡歷天下察無道之國  
觀不祥之人凡處墟域之內蠢動含生命係于天星  
辰凌犯彗孛衝破遂生兵災水旱流離知而逃形可  
全自己逆之遇害凶覺微生黎民死亡淪沉苦海然  
則人之有災要當自省其可但歸惡於星數大抵惡  
自人爲星因災之非星之惡而人心自惡耳。**宋書**  
時災惑守心**子章**曰禍當君可移於臣公曰相所以  
治國家也曰可移於百姓曰百姓死寡人將誰君曰  
可移於歲曰歲饑人餓必死**三書**曰君有至德之言  
三天必三賞君矣是夕災惑退三舍**張氏**知青州

忽夫妻失目因棄官家居日夜禱謝一日忽有一書  
生踵門曰吾乃**太白星之官****五帝星君**以子久志於  
道且禱謝勤至遣吾下降爲子療治既而不施一劑  
惟於宅南鑿開一井取水滌之一滌遂愈嗚呼**災惑**  
本主災厄疾病今也乃能爲**宋公退舍****本主**災  
恠刑律今也乃能爲**治**療眼然則星果惡歟惜人  
不知人間一年三百六十五日上應周天三百六十  
五度度主一日皆**二十八宿**主之**角**宿主一十二度  
主攝一十二日**亢**宿主九度主攝九日**氏**宿主十五  
度主攝一十五日**房**宿主五度主攝五日**心**宿主五  
度主攝五日**尾**宿主一十八度主攝一十八日**箕**宿  
主一十一度主攝一十一日**斗**宿主二十六度主攝

二十六日**半**宿主八度主攝八日**女**宿主一十二度  
主攝一十二日**虛**宿主十度主攝十日**危**宿主一十  
七度主攝一十七日**室**宿主一十六度主攝一十六  
日**奎**宿主九度主攝九日**奎**宿主一十六度主攝一  
十六日**妻**宿主一十二度主攝一十二日**胃**宿主一  
十四度主攝一十四日**昂**宿主一十二度主攝一十  
二日**畢**宿主一十六度主攝一十六日**龍**宿主二度  
主攝二日**參**宿主九度主攝九日**井**宿主三十二度  
主攝三十二日**鬼**宿主四度主攝四日**柳**宿主十五  
度主攝一十五日**星**宿主七度主攝七日**張**宿主一  
十八度主攝一十八日**翼**宿主一十八度主攝一十  
八日**軫**宿主七度主攝七日立春後四十五日至春

分**艮**神主之春分後四十五日至立夏**震**神主之立  
夏後四十五日至夏至**巽**神主之夏至後四十五日  
至立秋**坤**神主之立秋後四十五日至秋分**坤**神主  
之秋分後四十五日至立冬**兌**神主之立冬後四十  
五日至冬至**乾**神主之冬至後四十五日至立春**坎**  
神主之嗚呼人在世間日日節節皆屬星卦主攝為  
善不免于福為惡不免于災是豈星之惡歟

**贊曰**天道云遠太空冥冥我與視夜瞻彼列星**災**  
**惑**退舍善言足憑天人相與如影赴形視履考祥

**甘石**之經

箕弄盡則死

**傳曰**按赤松子中誠經人有違犯皆被本命星辰奏

聞上帝七星六律四時八風九宮五行先令司命奪其筭紀授以禍殃然則人有禍殃乃至於死豈偶然哉必其作諸不善奪筭至盡故致然也惜人莫悟浮生短世膏火相煎日失一日彈指便過况惡習難拔修行者少迷惑者多業識茫茫無有是處求之日用不免與物浮沉蕩然不反於膠膠擾擾之場欲其無過其可得乎今日以某事減若干筭明日以某事減若干筭減奪不已會有盡時既乏正修又多過失一死之後便有三惡險道歷然在前或為畜生或為餓鬼或墮地獄皆未可必不聞以處官刻核而死受牛身乎賈直以操心點劣而死為餓鬼乎陳以恃廢凌人而死墮地獄乎此皆死有餘責而淪入三惡者也孰謂一死便了更無餘事乎

**贊曰**紂有天命忽焉以亡文拘姜里與齡益長覆卻萬變善慶惡殃我命在我誰云不常彭殤壽夭寸心自量

又有三台北斗神君在人頭上錄人罪惡奪其紀筭

**傳曰**三台共有六星每台二星上台司命中台司中下台司錄上帝署為天曹俾主生死壽夭人有三魂上應三台篇言曰上詣天曹言人過惡即上詣台也若夫北斗乃紫微都曹為天地日月江河海之元合陰陽木火土金水之德象陳北斗精應三清三界十方皆所統御斡旋氣運斟酌死生六甲生人各稟一元之炁方得圍形為人具是一軀皆北斗也至

持人命使保天年亦**北斗**也。又按**九真帝君九陰混**  
**合縱景萬化隱天秘訣**人兩眉間却入一寸號曰明  
**堂北斗帝君太陰九妃**常處其中。又按**業報因緣經**  
七星之炁常結為一星在人頭上去項三寸其人為  
善則光大而明為惡則光小而暗。又按**北斗傍通圖**  
**七真曰**吾每月初三及二十七日必一下降受人醮  
祭察人善惡然則**三台****北斗**在人頭上錄人罪名奪  
其筭紀信不誣矣。

**贊曰**人之一身宵窺天地反而求之萬物皆備此  
心最靈不行而至神明所舍動息弗離福祈禍禳  
無乃兒戲

又有三尸神在人身中每到庚申日輒上詣天曹言人罪

過

**傳曰****三尸**言人罪過非獨篇中言之諸書亦皆言也  
一六上尸名**彭**踞中尸名**彭**下尸名**彭**一六上  
尸名**青**姦好伐人目中尸名**白**姦好伐人五臟下尸  
名**血**姦好伐人胃命一居人頭能令人多思欲好車  
馬一居人腸能令人嗜飲食好恚怒多忘少氣一居  
人足能令人躄色慾喜殺害關節搔擾五臟踴動每  
至庚申日與身中七鬼上詣天曹言人罪過大抵**三**  
**尸**言過乃其職也。按經所說修真之人先當絕去一  
云三守庚申**三尸**伏七守庚申**三尸**滅守者不寐也  
不欲**三尸**得以言其過也。一云寅日**三尸**游兩手當  
去兩手指甲午日**三尸**游兩足當去兩足指甲此名

斬**三尸**隨所在而去之嗚呼與其百守庚申盡去指  
甲孰若清心寡欲無使**三尸**所能惱人者數事得以  
干吾方寸乎昔僧**契虛**志慕清虛一日因山行為異  
人**禿子**音奉所導至**稚川**仙都**稚川**曰子能絕**三尸**之  
仇乎**契虛**莫悟**禿子**曰彭者**三尸**之姓也常居人身  
伺察善惡庚申之日悉錄以聞然則**三尸**言過孰謂  
不然內則守心外則去甲此修行之初法也

**贊曰**物子罵尸義正詞直奮筆抗辯出於有激其  
實七情交相蝕賊投機乘間肆其侵蝕非彼巧詐  
繫我逸德

月晦之日竈神亦然

**續曰**竈之為神號曰**司命**司人家一家良賤之命過

無隱露皆得言之一云竈神先如美人九有六女即六女玉女也

常以月晦上詣天曹白人罪狀大者奪紀小者奪筭

一云竈有**三十六神**所謂五方五帝竈君五方五音

竈君五方王相竈君十二時神竈君大竈君小竈君

天竈君地竈君新竈君故竈君內竈君外竈君丘竈

君竈君夫人紫微大神玉池夫人六甲父母六癸玉

女光鼓織女竈下炊母行火力士文墨小吏火父火

母擔樵力士高良君子突上姪女砌上童子左扶右

扶天帝丈人左房右房天帝長兄左溫右溫天帝嬌

孫左輔右弼天帝嬌女乃至天帝大夫天帝都尉五

官六府皆竈神也一云在上為列宿在下為直符在

人間為竈君常在人家記人過犯月晦之日織悉以



聞最能轉禍爲福除死定生驅逐妖邪遷官益祿若依時祭禱所願必從祭竈有月日或以晦日清淨大竈之前香花茶酒謝之亦吉。一云在天爲**五帝真符**在地爲**百大歲**在人間爲**五音竈**竈中黃帝即世人司命常將世人罪狀及諸過惡奏聞陰陽二景記之黑簿嗚呼竈之爲神明察如是職主奏告又如是世人行事但知取快一時豈復更問家有竈神而稍知恐懼修省乎

**傳曰**祀典所錄竈其一焉神靈棲之是或當然余昔無過子亦妄言一有不戒獲罪於天無所禱也

醮祭可捐

凡人有過大則奪紀小則奪筭

**傳曰**紀之爲說。一云十二年爲一紀。一云三百日爲一紀。筭之爲說。一云百日爲一筭。一云一日爲一筭。大抵三百日且不可奪。况十二年乎。一日猶不可奪。况百日乎。謹按**經云**人之受生所得之筭皆記在諸天太上勅勒諸天諸地日月星斗天真聖人將軍使者天神童子天地飛仙三界四司嶽瀆官屬執錄把籍巡行考核三日一言十日一奏百日一結不輟。湏臾若修善立功則便可延年萬一造罪則立見減筭。又按**趙鼎**被攝至**上清**校勘所見一吏方呈押戊申生人錄其錄首具人之姓字又降行橫列六十甲子日辰其日有功或過皆書其下如無亦書無功則延年過則減筭與經中之言皆無以異。孰謂減筭爲無

耳紹興初符仲信者赤手起家方且稱意年三十五忽至不起方委頓間自言恍然如處曠野俄見數人遙呼曰恩主胡為在此相與引至一處乃一官府仲信困卧門側一吏自門引頭曰豈鼎州符仲信乎數人曰然吏曰此人本合飢寒以好施故能起家壽本五十有九以不燒香睡起晚今皆削盡數人曰不燒香睡起晚皆小過何至如是吏曰不燒香即是無敬奉天地之心睡起晚即是有多滯之意豈為小過數人相顧大驚曰厚德如符公尚猶以此奪盡紀筭人其可自恣乎嗚呼所謂過者不待出於語言見於行事然後謂之為過但凡念起于中稍涉不正即名為過仲信之過便可見也

**贊曰**命曰迂續可演而伸命曰斷棄促亦有因細行不謹終累正真罪大惡積乃滅其身惟德是輔皇天無親

其過大小有數百事欲求長生者先須避之

**傳曰**數百事者即篇中自非義而動下迄死亦及之之說是也欲求長生之人先須避者非餘人不必避也謂求長生之人則尤當謹避必使已行淨如明珠雖纖塵微翳亦不可使有也苟尚有之未得為無過之人也昔**許真君**行符施水治病救災於民最有大功上帝猶譴其七世不祀祖先且有貪煞匿三種之罪必待特赦然後拔宅輕舉女仙**楊正見**父以遇師登真有日**上帝**亦譴其少時父母貫錢輸稅正見不

合擇取二文圓好者匿之名曰隱藏官物更復謫留  
人間一年又如**陶隱居**之修本草**梁真入**之著千金  
方皆是主於濟活惟是中間略取虻虫水蛭之類以  
備藥使**上帝**亦譴其功雖及人反害物命但得尸解  
而已又如**紫虛元君**與**茅君**同在清虛宮校勘天下  
真仙得失之事頓落者四十七人復上者纔二人蓋  
為抱淫慾之心行上真之道非止被落又將被考三  
官然則欲求長生者是有纖毫微翳乎大抵欲求  
長生之人於篇中所謂數百事之說者須得謹避也  
**贊曰**神仙可學不死可致博採方藥鍊神養氣外  
誘紛然可慕可喜寧保此心果無纖累欲成仙道  
先修人事

是道則進非道則退

**傳曰**道之為說見於諸書者其說甚多然曉而易見

者無若**中庸**之說之為著明也**中庸曰**天命之謂性

率性之謂道率猶循也大抵性也者道之體也道也者性

之用也人欲未起之前湛然方寸即性之天也道之

體也於日用間能自率性不為人欲所移即性之用

也道也今日用間動靜語默豈非道乎是故**孔子曰**

何莫由斯道也行而是道也行而非非道也可行則

行可止則止即**太上**所謂進退也第人不能率性常

使如人欲未起之前所以倒行逆施以是為非以非

為是當進而退當退而進也昔**趙清獻公**嘗曰吾晝

之所為夜必焚香九拜手告之于天不敢告者不敢

為也蘇黃門書陰者之言曰晝之所為夜必記之于紙不可記者不可為也此皆能自率性不使於進退之間或有是道非道之失者也能知此者有幾人耶贊曰道則在邇明白坦夷所謂常道民之秉彝試反諸心能別是非一念不昧良能真知外是求道斯則自欺不履邪徑

傳曰天上曰大道甚夷而人好徑夷者平也徑者不正之路也即吾儒所謂濬臺滅明行不由徑之徑也在人履踐言之即人之履踐不正處也履踐不正自一念始一念起處其可不謹昔李退夫隱居南嶽日以不得遇師為恨一日尋幽訪深忽聞空中有彈基

聲舉頭視之則見二人坐於木杪相對而奕退夫大喜亟往致敬方問道間俄有田婦出傍不覺反顧則二奕者已失所在矣退夫大悔事已無及張子為浮梁令縣有一廟極靈能為人禍福令至必祭以斗酒隨酌輒盡木疑為妖既祭度其醉徹席執之果一老猿已大醉矣將戮于市猿俄醒曰某死固不問然數年所貯極為可惜君雖至廉然縣道闕乏不為無補木纔問處則猿已躍身而去矣自此百計蹤跡竟不可得嗚呼一念才差遂至如此所謂邪徑即此便是贊曰道若大路曾幾多岐跬步弗謹溪谷險巖視聽言動以禮自持九思三省猶恐失之捨而他適顛覆奚疑

不欺暗室

**傳曰**太上所謂不欺闇室即中庸所謂君子戒慎乎其所不睹恐懼乎其所不聞莫見乎隱莫顯乎微詩所謂相在爾室尚不愧于屋漏大抵暗室者所可欺處能不欺於可欺真不欺也不聞**聖賢**者不欺之說乎真君戒**張守真**曰但潔身守正不欺方寸自然默符天理以此事吾何懼之有然則不欺為行豈細行哉昔**張建章**奉使渤海中流遇風波濤如山自分必死俄見一青衣乘一小舟而至曰仙官召君方恍惚間則已達岸仙官曰君平生不欺暗室**上帝**所知波濤無足慮但復登舟吾當遣人護子**建章**竟得將命而返於是棄官學道遂獲登真**章行**採訪西川

其姪**威**侍行有老兵名曰**可約**日侍左右**威**覺其不凡方欲詰問則**約**已來別曰吾神仙也**上帝**嘉子不欺暗室遣吾下降更加審察今果不欺得道必矣但尚餘兩塵耳**威**曰何謂兩塵**約**曰儒謂之世釋謂之劫道謂之塵兩塵即兩劫也嗚呼世人於青天白日之下尚敢公然行欺况暗室乎是故超凡入聖常聞於古人少見於今日也必欲不欺在我而已

**贊曰**境有明闇心無顯幽一念之舉十目已周形諸事為洪水橫流袞袞撻市何必外求不愧屋陋心正身修

積德累功

**傳曰**德也者日新之謂也功也者日用之謂也苟能

閔閔然如農夫之望歲汲汲然如商賈之營財今日  
積其德明日又積其德今日累其功明日又累其功  
夫所謂天仙一千三百善行之只在四年地仙三百  
善行之只在一年第人不能多至中廢不聞穿石禮  
樹之說乎。**紫虛元君曰**昔有**傳先生**者自少好道入  
焦山石室中積七年忽遇**太極真人**授以木鑽使之  
穿一盤石戒曰石透吾當度汝石厚五尺餘**傳**穿之  
不息積四十七年石忽穿透**太極真人**果來度之又  
**南嶽夫人曰**昔有一人勵志於道然不知求道之方  
惟日夕禮一枯樹求乞長生如是不已積二十八年  
樹忽生華有汁如蜜其人取華并汁吞之立獲度世  
嗚呼積德累功雖不在於鑽石禮樹即其鑽石禮樹

便可以見其積德累功大抵有其志者無不成也

**贊曰**聖賢有訓成已成物仁以己任道由性率小  
善必為細務無忽事在悠久效非倉卒能辦肯心  
斷無乾沒

慈心於物

**傳曰****佛告普眼曰**我今此身地水火風四大和合四  
大各離今者妄身當在何處即知此身畢竟無體和  
合為相實同幻化四緣假合妄有六根六根四大中  
外合成妄有緣氣於中積聚似有緣相假名為心此  
虛妄心若無六塵則不能有四大分解無塵可得於  
中緣塵亦歸散滅畢竟無有緣心可見然則世人胡  
為而妄執此心以為心乎况不善用而不慈乎嗚呼

此說微妙姑置勿論。請以慈之一字言之。佛言我有四無量心。一曰慈。二曰悲。三曰喜。四曰捨。大士曰吾有三寶。一曰慈。二曰儉。三曰不敢。為天下先。諸聖尚爾。況於人乎。按經所說燈燭焰上。別有一種微細眾。生吞食其光。以為性命。人氣一吹。隨吹即死。是故諸佛戒人。不得以口氣吹滅燈燭。迦葉尊者未出家時。嘗令其妻壓油。飲牛妻不樂。曰我不忍見此等微細眾。生粉骨碎身。然則諸聖所以慈其心者。為如何。惟其如是。所以於一切物。不違微細。一切護念。昔寶文王。七世不殺。又好放生。至感佛身。乃自生疑。一日咨決於佛法。曰以某所見。不殺不放。一切付之無心。可乎。師厲聲曰。公大錯。公大錯。豈作空解耶。面

前露柱亦自無心。著幾箇露柱。能救得世間一箇苦惱眾。生諸佛菩薩。其說不尔。可急懺悔。無自貽戚。敬仲駭然。汗洽再發心。放一百萬命。其後持節淮甸。適歲饑。出按拯濟舟次。清河忽聞洶洶聲。如數百人爭鬧。疑是饑民。遣人跡之。了無所見。忽自悟。於是策杖循河而行。則見數十婦女。濯管岸側。洶洶之聲。正出管中。乃蛤蜊也。悉命以粟易之。得數十斛。親為誦經。持呪投之中流。既而復自疑。曰吾平生放此。可謂多矣。萬一感恩來。為眷屬。豈不癡鈍。是夕即夢文殊現身其前。慰諭之曰。我於往世。亦曾生蜆蛤中。來但堅汝心。無自疑沮。仲至此始大信。異因著一書。以示勸戒。王煥宣和間大病瀕死。忽夢一金佛告曰。汝

平日放生已及萬命自合延壽我今傳汝一方可急  
買伏苓黃芩地骨皮甘草四味等分和劑餌之無不  
愈者渙如戒修合一劑果愈孰謂諸聖於一切物不  
遺微細一切護念之說為不然乎大抵慈為萬善之  
本心若不慈善何以立

**贊曰**萬物同體均受於天樂生畏死此性則然忍  
肆其暴剗割烹煎肖翹蠕動皆在所憐視物猶已  
仁術乃全

忠孝

**傳曰**東卿曰金曰有蕭邈之才絕眾之望養其浩然  
不營榮貴或至貞至廉不食非已之食不衣非已之  
衣紛華不能散其正氣萬乘不能激其名操或先世

有功流逮後嗣易世鍊化改氏更生此皆有應仙格  
當登仙品然必多歷年所始得漸進至於至忠至孝  
則今日謝世明日便當補為地下主者復從地下主  
者便當進補仙階大抵忠也者人臣之大節孝也者  
人子之本事使為臣而皆不忠則為君者復何望於  
臣為子而皆不孝則為父者復何望於子如此則君  
臣之分父子之倫一切喪矣人不禽獸如必夷狄如  
也惜其不知忠孝乃超度之本得獲度世莫此為速  
不聞**呂公誦蘭公期**之事乎昔**呂公誦**為御史中丞  
正色直言傾動朝野一日獨坐恍見一青衣授以一  
丹曰此清涼丹也**上帝**非久南游炎洲命子糾正群  
仙彼洲大熱故先以此賜公再拜吞之不啻冰雪下



咽未幾果捐館時**朱明復**初登第在湘江見公跨一  
玉角鹿左右皆青衣小童吏兵數百前後呵擁**明復**  
迎揖曰君其已仙乎公曰吾此行待**上帝**南游不及  
歎曲乃口占一詩曰功行偶然書玉闕衣冠無限葬  
塵埃我今從帝為司糾更遣何人直柏臺言訖不見  
**蘭期**家世孝悌聚口百餘上下和睦略無間言一夕  
有一真人降自斗中曰吾乃**斗中孝悌**也夫孝至於  
於天日月為之明孝至於地草木為之生孝至於人  
王道為之成子能孝悌吾所以親盼於子既得目吾  
得道必矣後果如言然則至忠至孝其於度世豈不  
捷疾嗚呼忠孝者既如此則不忠不孝者當如何哉  
**贊曰**非忠無君非孝無親捨是二者獸而不人莊

**周放**蕩命義是遵**釋大**空寂報恩猶勤戴天覆地  
孰逃其身

交悌

**傳曰****周禮**曰君子務本本立而道生孝弟也者其為  
仁之本與**司命**使君以父子兄弟夫婦為三綱本之  
與綱字殊而義一若棄本捨綱倫何以立大抵能踐  
其實則上下相安而不渝苟尚其文則悔吝易生而  
必瀆昔**魏****程**家不甚富惟仰給農桑生三歲其父  
為其兄無子代之遠戍遂死于邊**程**既長迎塊以  
葬**蘇**子慕側終身號慕縣令**蘇**捐俸買田開阡刻  
石以表其事府尹**渾瑊**列狀以聞有詔優賞旌表門  
閭名其鄉曰孝悌社曰節義里曰愛敬始自**程**凡

十五世同居聚口數百歷三百餘年無一人異詞經  
五代離亂子孫保守墳墓不相離散又有**張氏**者亦  
田家也累世同居聚口一百七十有七內外和睦略  
無間言衣服之類皆無常主每日家長坐堂上子弟  
列堂下以次受職罔不祇勤自祖**聖**至**誠**凡六世同  
居幾二百餘年始終如一嗚呼若二家者真所謂實  
踐者也尚虛文者能如是乎

**寶曰**父母之身分爲兄弟一本而出安有異體愛  
其枝葉以護根柢**史**謂**豆箕****詩**歌常棣如瓊如篔  
神相悌

正己化人

**傳曰**孔子曰君子正其衣冠又曰席不正不坐嗚呼

衣冠几席尚當使正况行已乎又曰子帥以正孰敢  
不正又曰不能正其身如正人何此皆聖人行已之  
大法也然則人之行已其可不正惟其正也人皆敬  
之人知敬處即其心已化處又何待區區而化之哉  
**昔司馬溫公**爲人正直名聞海內其居洛也風俗爲  
之一變莫不敦尚名教不急貨利人隨貧富皆自足  
後生晚輩知畏廉耻欲行一事必相戒曰無爲不善  
**恐司馬端明**知**呂申公**正直敢言傾動朝野時**王安**  
**石**出守常州移書於公曰某客京師二年于茲疵吝  
積于心曾不自勝及詣長者即廢然而反德人之  
容使人意消今於**晦叔**見之**梁陽****呂公**心與道潛湛  
然方寸其爲崇政殿說書也日以正心修身之說勸

導人主每自言曰若身修心正不假他術而天下自化是以所居則躁人化聞風則薄夫敦胡公愛之為蘇湖二州教授也每解經至有要義必懇切為諸生言其所以治已而後治人然則諸君所以正已者為如何哉以此化人夫誰不化

**贊曰**表正影直源清流泚枉已直人万無是理聖賢何術舉斯加彼瑕而戮人三軍見齒大學修身家齊國治

矜孤

**傳曰**孤也者未能有成親已蚤世或母死而父或再娶或父死而母或再行甚且父母俱亡藐然孤露不幸至此情況何堪正令捧石以撲撲寢與衣飲主之者

信存惻隱亦必不如親父母之情愛之為親切也可不矜乎世人但知孤為可輕而不知其中亦有因孤而能養成大器者昔張邵公出遊方在襁褓父母皆卒及長安貧讀書勤苦不倦竟能登科致位台輔以賢德稱此至貧之孤者也自立如是非能養成大器者乎呂中丞誨幼失所怙勵志為孝不妄交游洛陽之人多不之識及登第人方知為呂正惠公之孫歷官言職以勁正稱此貴家之孤者也自立如是非能養成大器者乎然則孤可輕乎愚於矜孤之下不書矜孤而輒書此者正欲不幸而孤者以此為法皆知自勵若以矜孤言之則前輩行之視以為常初不以為奇特香龍圖家道甚貧嘗聚親族之惇獨者養之

祿賜所得隨施輒及與人交情分切至廢棄孤露者  
待之尤厚嘗有一同僚女貧爲人婢公聞而贖之嫁  
于士族**呂正惠**公端與故相**張道**耀帥**趙文慶**皆鄉  
里世舊道子病廢公分俸給之又薦**文慶**之子**紹宗**  
于朝官之非真實矜孤能如是乎

**贊曰**方幼而孤何怙何恃懷抱無依疾誰視吾  
幼及幼人子亦子放麀違命射麋泣矢能推是心  
乃合天理

### 郵寡

**傳曰**寡也者方當盛年夫忽告殞形單影隻觸目無  
聊况女幼男癡百事未卒者耶此即**孟**所謂窮而  
無告者也窮者極也禍變如此非窮極歟欲語誰吐

非無告歟爲其夫者雖云死矣宜其之間焉得無念

昔**徐擇之**判北京**趙**仁與來留爲官

與擇之二子俱相得無何**士**遽以病卒

爲辦喪事且津遣其妻子甚厚又命小吏

至京**沂**畢事歸矣忽作**士**語謝曰士恍不善攝生

以方壯之年遽就鬼錄荷公父子周郵之恩甚至不

惟死骨得歸老母妻子皆得平達鄉舍無復流落失

所之歉區區此心不勝感激陰君亦以此敬嘆將有

以厚報君矣中貴**黃**奉詔持扇帕至彭澤迎賜北

使無何舟師**王貴**中路病卒其舟乃兩浙漕司官舟

貴死舟當歸官其妻泣訴曰舟今歸官妾一家十口

餓且死矣願得一言使**貴**長子得繼父業不勝感幸

述至鎮江言之漕使即刺其子爲兵付以父舟是夕宿丹陽明見貴操一小舟遠遠從煙波間來泣且拜曰貴雖身死長子已得繼業一家十口不復憂矣實荷公恩言訖不見嗚呼此固顯顯姑置勿論竊觀寡婦人中立志大有遠過人者不可不書趙年七歲而孤其母勵志教篤竟能登天聖五年第三入第初遇郊恩法當任子公請以封其母爲郡太君宰相曰公爲學士擬封不遠公曰母八十有二朝夕不可期願及今以爲榮許之宋年三歲而孤其母秦有姿色宋有誘之使嫁母怒叱曰夫婦義屬天倫死生命由直宰我寧餓死其可再嫁於是篤意教竟能登第官至耀帥然則寡可輕乎愚於卹寡之

下亦復書此者正欲使一切寡婦皆知所法云嗚呼似此之人天必報者重人倫也何止子貴而已哉

贊曰寡而守義賢哲所重折脛露筋婦節尤勇臺築懷清異秦是奉况其無告寧不爲動誰或躡之不難不竦

敬老

德曰老也者閱世之久更事之多袞袞少年無限淪喪厖眉皓首獨保康強可不敬乎開寶初有鄆州盧縣尉計者詣區進狀自言父瓊九十七長兄八十一次兄七十九衣身七十五願得一近便差遣以就榮養

太祖命召其父既至敷奏詳敏詞氣不衰太祖大加敬嘆曰卿一門如此必有大過人者瓊曰

亦無他但累世義聚不分耳 **太祖**曰此即卿大過

人處立命賜襲衣腰帶銀粧鞍勒一副馬一匹御茶

三十斤雜絲三十段與近便差遣一任從其志也 **三**

**元嗣**亦享高壽時聖節根括老人惟 **元嗣**一門有八

十九十者一百以上者八人內 **吳琬**一名一百一十

有四步履輕健氣不少衰詢其履踐亦累世義聚不

分詔賜一官旌表門閭門外又築二所義順土臺立

二株華表鶴柱異其禮也至尊尚尔况餘人乎竊嘗

求 本朝處高位而享其高壽者惟 **張退傅**九十一

**文潞公**九十二 **趙康靖**八十六 **張文定**八十五 **陳文**

**惠**八十二 **曹巨清** **富文忠**皆八十以上又求其次 **趙**

**清獻** **龐莊敏** **向文簡** **李文正**皆七十以上已不及也

又求其次 **曹武惠** **薛簡肅** **王懿敏** **呂文穆** **呂正惠** **寇**

**忠愍**皆六十以上又不及也又求其次 **种** **司諫** **恰** **六**

**十** **刘集賢** **恰** **五十** **王内翰** **尹舍人** **王待制** **錢宣靖**皆

四十以上遠不及也又如 **石祖傑** **恰** **四十** **蘇參政** **三**

**十九** **趙舍人** **三十六** **王御史** **三十八**此則尤可惜也

名利場中彈指便過還有於自己分上做得此工夫

者乎如或未然即是空來人世浪走一遭於諸佛所

謂願我壽命長勤行一切善願我福德盛廣濟一切

人之說皆蹉過也嗟乎少年但知負才輕侮老輩不

知壽居五福之先縱有多才不到其地於事何益昔 **楊**

**天年** **與周翰** **朱昂**同在禁掖時二公皆已老 **楊**方

弱冠每輕侮二公 **翰**大不堪因好謂曰君莫侮我老

老亦終留與君昂後傍搖手曰莫與莫與厥後大  
年壽止四十有九然則老也者欲到其地豈不難  
乎可不敬乎

贊曰孝養三老礼尊高年爲近於親家固所先天  
與之壽俾華其顛人而弗敬是名褻天矧復耆德  
敢不礼焉

懷幼

傳曰孔子曰少者懷之孟子亦曰幼吾幼以及人之  
幼蓋幼者年方童穉未有識知爲之長者固當矜憐  
而撫卹之也虐而視之非人道矣故父母有幼子則  
當尽其恩勤兄有幼弟則當極其友愛他人有幼者  
亦當推吾恩愛之心等而視之不宜分別彼此也若

夫吾之子弟則愛之他人之子弟則不愛亦非所以  
尽懷幼之道也况夫幼者位則居卑力則孱弱卑者  
易侮弱者易凌苟無慈愛之心則將挾長以自肆矣  
在彼者必無卞口以別是非也必無強力以較勝負  
也如痿者之被杖無所逃避如瘖者之受讒不能辨  
明其苦可勝道哉甚矣風俗之薄也婦人之性類多  
忌刻爲母之德不均愛子之心始偏已之所生則親  
之妾之所生則薄之其爲繼母者又往往不恤前人  
之子如閔子爲之母冬寒衣其子以纈而衣子爲以  
蘆花使之御車是也子爲之母猶尔其他可知由是  
孤孽幼穉橫罹慘毒者多矣閭巷之人規併財產則  
爲尊長者爲兄姊者爲贅婿者乃有不慈不義凌虐

其卑幼者矣巧粧訐謀僞立契約囑牙保以曲證賄吏胥以舞文使之困苦抑塞無所赴愬其前陰謀詭計損傷其性命者有之嗚呼尚忍言之哉昔者**本**一門子孫百餘長少雍穆陽城兄弟孤惻相依前輩救荒則以收養孤幼爲先若此者足以及懷幼之道矣

**贊曰** 哀孺子 睚慕嬰兒 保屋之志 少者懷之在厥初 生淳德未漓 易致凌虐 可無保持 所以孤幼周仁先施

昆虫草木猶不可傷

**贊曰** 按經所說諸類衆生一身具足一切形質隨造隨成無明爲卵生煩惱包裹爲胎生愛水浸潤爲濕

生歛起煩惱爲化生於此四生又復析爲十二類生於十二類生每類又各有八萬四千種類差別總而言之則一十二類便有一百萬八千之多然則衆生種類差別何其多歟但即其日用觀之目覩珍奇便起貪想舌味肥脆便起殺想意攀華麗便起慾想非獨眼舌意三爲然耳鼻身三亦復如是如是妄想如是顛倒念念不停洎合眼後更只紛然做主不得臘月三十脚忙手鬧做得主乎佛所謂十二類生一百萬八千種類差別端起乎此昔佛在世游化諸國獨有一國化不能從及遣**目連**傾國而至衆疑問佛佛言此一國人於往昔世本一聚蜂**目連**本一樵夫因採薪觸着樹枝羣蜂驚擾爭欲螫之**目連**謂曰汝等



本有佛性但以惡業流轉至此今也尚以小忿欲逞  
毒乎願我早登聖果首度汝等是時羣蜂若有所悟  
領納在心今故見之悉皆隨順又在瞻婆國中迦羅  
池畔為衆說法時有一蛤聞法歡喜躍出池上潛身  
草間傾誠諦聽偶為一聽法人拄杖刺殺命終之後  
生**忉利天**為忉利主復從忉利日往**佛**所聽說妙義  
以開悟故證**須陀洹**然則昆虫一類雖曰微物其為  
有知與人異乎又如草木一類在吾儒言之固若有  
生而無知驗以佛書則亦不可一槩謂為如是按**傳**  
**音**有一僧道眼未明虛落信施久為**摩訶淨德**  
及其子**羅羅**多奉事命終之後乃於**摩訶蘭**中生  
為草茵日充**淨德**父子蔬食他人欲取不復可得然

則草木一類亦一槩謂為無知可乎猶之為言若曰  
昆虫草木尚不可傷人則尤不可傷也

**替曰**恭惟

**哲皇**弗踐螻蟻**濂溪**之庭草觀生意有生有知此  
性無異吾仁所充際天極地不見其間一物可棄

宜憫人之凶

**傳曰**太上言樂人之善而首言憫人之凶當知所謂  
凶者乃凶人為不善之凶非凶喪之凶也大抵人之  
性真上與諸聖一體無二能自率性則便可為聖為  
賢若但任情不免為凶為忒是故**太上**書以告人使  
人皆知導之以善不然則求為凶人不復反於善矣  
**太上告真武曰**一切衆生競赴善惡輪轉生死無有

窮已汝宜普為斷除邪見察其罪福增益功行逐月輪定日分遊奕世間善者以福加之不善者以善解之然則太上所以憫乎凶者為如何哉昔巢州居民食啜之外競嚼水族不知每年十二月二十五日乃**玉帝**奏告**三清**遊歷諸天下觀世界予決罪福之日其日**九天**採訪使者日月星宿天地百神嶽瀆社廟皆得條具以聞一日**玉帝**召**中天****北極****紫微****大帝**問曰南贍部洲吳國分野地號巢州善惡如何**北極**奏曰此方居民實是凶惡殺害物命不知紀極深恐積日之凶冤魂愈結非連地址蕩為大湖不足以蕩除累年殘忍殺害厭觸腥穢之氣**玉帝**曰可**北極**既退召**真武**告曰汝為三界遊奕檢察善惡豈不知巢州之

民造如是惡厭穢之氣上犯**玉帝**勝游日月為之無光星辰為之失次乎**玉帝**有命盡令全城陷沒此事屬汝可速奉行**真武**曰千里之廣未必一一皆然若一例陷沒恐多冤濫容臣下降更問**地祇**回奏**北極**曰彼州神祇皆已奉勅遷往他所矣**真武**乃大嘆曰痛哉一物之命尚在輪回未易出離况此千里盡為水界展轉相害大冤愈結何可救拔又復力請自差部下**天罡****神將**再行審驗既而**天罡**化為大鱉浮遊溪面先是守倅差人齧取次及百姓亦復如是**天罡**回奏**真武**又請自降於是化為一雲遊道人巡街乞水如是七日家家腥穢最後一家號曰**焦婆**水獨清淨**真武**語之婆曰某一家三口久厭腥穢蔬食而已**真**

**君**曰吾非人也此州不遠當湯為大湖誠欲救之已不可矣汝宜速往他所未幾雨果暴至洪亦隨發一州千里頃刻之間波濤如山浩渺無際是日**真君**復降告**焦婆**曰汝可使主此湖數日婆死其子及婦亦死遂得為神因名其湖曰焦從婆姓也然則天真所以憫人之凶者為如何書曰汝無忿疾于頑亦此意也

**贊**曰人之凶惡豈皆本情見如探湯惻怛已形無忿于頑書訓丁寧死喪刑辟擿埴顛冥有拯其迷闇室之燈

樂人之善

**傳**曰善之一字最能成就一切行願人發善願天上

聞之聲如爆竹諸佛無不護念上真無不主持心契故也按**唐文粹**昔**高僧**見鄉之俊傑主寶融寺經藏院長明燈精進成就喜而發願銘而頌之已而迫於多事斯文莫構忽染目疾矇矓如隔綃縠每自嘆恨未審所以得罪之由一夕夢神告曰子於長明燈其有負乎**遍**應聲而寤寤而起起而作頌明日目愈然則諸佛所以護念於善者為如何按**啓聖錄**程嗣昌嘗在密州見膠西鎮人好食烏雀獵徒數輩日常打捕或碎首穴骨於鷹鴟爪觜之下或拘脚折翅於網羅豈罟之中或被箭穿或遭彈擊哀聲悲切所不忍聞於是夜起露立於**星**之下仰天告曰某欲將家藏一切所食衆生並同七世父母因何

戕殺圖子一

本覆板印行庶幾此方皆知改悔今日正當**真武真**  
**君**下降之日願憑聖力俾獲流通覆畢印行攔頭  
**景**亦請一本歸示其妻其妻**華氏三娘**一見大怒捨  
破投之穢處移時買得一魚操刀欲鱠魚忽跳躍觸  
破其眼血遂迸流俄化為虫緣遶其身處處啣噬方  
喧傳間監鎮**向**就見一神立于其前自言吾是**真**  
**武**察知此地有一大善乃與化軍**程**昌印施戒殺  
圖子不謂婦人**華氏**乃敢捨破擲之穢處罪惡深重  
即當死矣其他不悔之人亦當獲罪俟吾二十七日  
再降更看如何然則上真所以主持於善者為如何  
嗚呼上真與佛皆已久任解脫樂人之善尚尔如此  
况人正在苦海可不然乎求之世間非無人也**胡**

**定**見李文靖澹然無欲又能濟之以孝喜曰若此人  
者八九分地位人也見**韓**欽之論事上前無所回避又曰若  
又曰若此人者亦八九分地位人也**邵**康節見**司馬**  
**溫**公忠厚友悌恭儉正直喜曰若此人者脚踏實地  
八九分人也見**韓**欽之論事上前無所回避又曰若  
此人者可謂至清而不耀至直而不激至勇而能溫  
誠難能也又如**杜**正獻聞人有善喜若已出**集賢**  
聞人有善不已稱道**文**潞公見人有善惟恐弗及**韓**  
**開**一小善必曰**琦**所不及若數君者非真實樂  
善已到於樂則惡可已也之地能如是乎

**替**曰人無不善出於天性胡為忌嫉私心之勝克  
伐怨欲交相為病惟其無我此心不競見人之善

如月在鏡

濟人之急

**傳曰**諾詎羅尊者曰若人大智慧耿耿籠中燈若人  
大福德飄飄海上漚若人大方便乙乙空中雨今也  
於人之急力能濟之即所謂大方便也如雨普潤其  
為及物可勝言哉所謂急者非一而已在疾病則以  
湯劑為急在死喪則以後事為急在飢乏則以飲食  
為急在婚媾則以奩橐為急此外又有無限不可悉  
陳之急但能各隨其急方便濟之皆為濟人之急也  
昔**陳祖言**少嘗以登科為禱一夕夢神告曰汝欲登  
科須憑陰德**范文正**自念家貧無力惟醫乃可於是精  
意方書久乃遇妙人無高下皆急赴之既而所活愈

多聲名益著復夢其神授以一詩曰藥有陰功**陳**  
間處堂上呼盧喝六作五是年登第六名進士第上  
一名**陳祖言**下一名**樓村**及注闕用陞甲恩如第五  
名授職官以歸與詩中之言無一字差此則濟人疾  
病之急者也**范文正**知邠州暇日載酒率僚屬登樓  
觀賞初卒觴俄見數輩裹經往來營理喪具公遣人  
問之乃一寄居官方卒賜殮棺擲之具皆未有公為  
撤宴厚賜卹之此則濟人死喪之急者也**范忠宣**知  
慶州歲大饑餓殍滿路無粟以賑公請發常平封椿  
粟麥郡官皆不許曰須奏乃可公曰人不食七日即  
死奏而後發豈能及事即日發之且曰諸君但勿與  
吾當自坐此則濟人飢乏之急者也**香道**未第時嘗

游湘漢間假貸於人得錢十方途次適見故人以嫁  
女理財甚急即罄囊與之略無吝色此則濟人婚媾  
之急者也用心如此烏得無報其後許叔微竟能登  
第文正官至參政昭忠官至丞相查道官至侍  
從非其報歟大抵人處世間於人急處自當如此  
齊曰君子周急非相為私如人在窮脩綆弗施有  
力不用猶已殺之揖遜拯溺無乃自欺以已望人  
其急可知

### 救人之危

傳曰雲笈七籤曰能救一人之命當延一紀之年若  
所救又是善人延壽又當倍之然則於人之危其可  
不救所謂危者死生之命也昔曰亂蜀 朝廷忿

蜀再亂命雷有終將兵平討意欲屠城時蜀士范滂  
尚氣節范滂好讀書又與吳大節有名行皆蜀中所素  
敬者因相率從間道出迎王師叩頭告曰蜀人懦弱  
城中皆平民其脅從者特畏死耳城下之日願無肆  
戮鋤其凶黨可也三人者皆堂堂丈夫且陳議慷慨  
忘身為物出於至誠有終為之改容曰不聞長者之  
言屠城必矣由是一城之民得脫於死范之力也章  
郇公得象之祖事王正為大將守建州嘗遣一部將  
刺事軍前後期當斬章意憐之猶豫未決夫人練氏  
曰既惜其才何不寬貸因密諭令遁既遁投江南復  
為將隸李不微麾下文微攻建州部將正董其役城  
將下先遣人戒城中曰有能活練氏一門者有重賞

練氏聞之急遣人報曰妾夫婦當死建民無罪若不盡赦建民當先建民死部將不得已爲之戢兵由是一城之民亦獲免死練氏之力也范氏今爲蜀中望族子孫蕃衍有官者常百數人晉氏亦爲建之大族位至卿相者相踵皆練氏後公其一也嗚呼二家所救如此而天之報之亦如此此固非世常有但於水火盜賊飢寒疾疫刑獄逼迫逆旅狼狽一切危急皆能如此存心事體雖不相侔其爲救危則皆一也

**齊曰**孺子及井怵惕皆有器將墜地觀者舉手轉危爲安起痿而走彼難旣脫我喜亦厚以仁存心必無悔咎

見人之得如己之得見人之失如己之失

**傳曰**文殊問道場於維摩曰如何是道場維摩曰平心是道場趙州問道於南泉曰如何是道南泉曰平心是道然則平心即道歟道場歟歐陽文忠脩好賢樂善常以平心爲難中丞思永好學不倦常語人曰吾不爲他學自幼即學平心然則平心果難歟溷自學歟大抵心之爲物即體非有隨用非無必欲平心在我而已夫復何難前輩以爲難者嘆無人也示後學也世之見人得失不能如己得失之徒必不曉此惟其不曉是以物我當勝罪來集身如水歸海日成深廣尚何足以道場與道之說而告之哉昔薛瑗身相燕國不能平心見人有得如己有失見人有失如己有得未嘗薦一士舉一賢有可稱者疾之如仇

過截使不得進晚歲一子死于獄餘皆盲聾啞偃  
僂顛癡時公明子臯見而憐之因詰責曰此皆緣汝  
心行不好罪當滅門諸子雖爾未足以盡子之罪環  
聞大懼懇求救護子臯於是以赤松子中誠受之環  
誓志力行僅全一子所謂中誠果何書哉竊嘗伏讀  
其與此篇無以異也夫抵皆是指出人之錯用心處  
其為拔罪最為有力薛瑄敬受中誠而能得免滅門  
周篤宣揚此篇而能得脫餓死不有力乎嗚呼世間  
萬事轉頭即空惟有習因長為身累今注此書正所  
以發明此說也知有此書者不可不求一讀既讀不  
可不行信能如是異日生死路頭當知得大氣力勉  
之

贊曰百篇之書穆摯殿後人之有技視若己有民  
不協極未罹于咎洪範之君錫福均受非曰為人  
待已則厚

太上感應篇卷第一



太上感應篇卷第二

西蜀李

昌齡傳

四明鄭

清之贊

不彰人短

傳曰馬伏波戒子孫曰聞人有過如聞父母之名耳  
可得聞口不可得而言此已自盡夫太上所謂不彰  
人短之說也至於龜山先生則又為之語曰口固不  
可得而言耳亦不可得而聞此則又出於馬伏波之  
說向上一頭地也大抵人處塵勞不能無短然短自  
其短何與於我在我只消一箇不聞不知則其短終  
不自我而彰苟或一語彰之則其短不免傳播聞望  
自此而減素守自此而墮詰此之由各當誰執當知

好彰人短君子有所不爲小人爲之而無忌憚也昔  
龜城之民有**祝期生**者爲人猥薄好彰人短人有體  
相不具者譏笑之妍美者嫉毀之愚昧者輕侮之智  
能者評品之貧者鄙薄之富者訕謗之官僚則訐其  
陰邪士友則發其隱曲門閥才望皆出其右無可擬  
議者則必巧求其短曰乃祖微人也乃父鄙人也母  
家工商也妻家駸僧也其弟不良也厥子不肖也有  
小過者亦必溢詞增飾以成其短事無巨細一切如  
此乃至以無爲有以十爲百以疑似爲端的以偶然  
爲故犯以不得已爲優爲以錯誤爲情實度其人可  
欺即面折之衆辱之過毀之待他人亦如此待親族  
亦如此平生知識無不在其貶剝之中甚者目父母  
爲頑嚚目兄弟爲管蔡或教人興訟已復和之教人  
詛罵已復證之習之既久不以爲非晚年忽病舌黃  
每作必須破刺出血數升乃已既而復作又須刺之  
一歲之間作者五七痛苦切至殆不可言竟至舌枯  
而卒此事與道士**言齊**好嘲誚人竟至嚼舌而死  
一也然則彰人之短是可爲乎

**贊曰**我所自立欲爲聖賢彼亦人耳何獨不然解  
近有過尚可滌前一掃其迹終身之誓是以掩惡  
君子貴焉

不銜已長

**傳曰**老子曰良賈深藏若虛盛德容貌若愚孔子曰  
君子之道闇然而日彰小人之道明然而日亡大抵

人之爲人其可略無所長苟有所長自當如是要在益  
加韜晦善自涵養必使日新又新然後可以成德苟  
或不然不免輕躁術露自呈褊淺豈所謂盛德容貌  
若愚君子之道闇然而日彰也哉是故歐陽文忠公  
**脩**長於文章每對客論談則言政事而不及文章**蔡**  
**端明**襄長於政事每對客談論則言文章而不及政  
事此皆自晦者也惜人不知多至自銜昔**李必**極聰  
慧年七歲已能文嘗賦**長歌行**曰天覆吾地載吾天  
地生吾有意無不然絕粒昇天衢不然鳴珂游帝都  
焉能不貴復不去空作昂藏一丈夫一丈夫兮一丈  
夫平生志氣多良圖請君看取百年事業就扁舟及五  
湖歌成莫不稱賞獨**張元**力戒之曰藏器於身古

人所重今君早得美名必有所折宜自韜晦庶幾成  
德况童子乎若爲歌詩但只賞風景詠古今勿自揚  
已爲妙必若有悟泣謝再三從此不復自銜雖使不  
已安能成德爲一代之名相乎當知人有所長切忌  
自銜

**贊**曰三才並立曰天地人綱紀兩間繫人一身自  
賢而聖由聖而神頃刻滿假其德不新**顏淵**如愚  
端可書紳

遏惡揚善

**傳**曰遏惡揚善在易謂之君子在篇謂之善人**易**曰  
火在天上大有大有包容之象君子以遏惡揚善順  
天休命然則遏惡揚善即爲順天休命乎天之休命

果在是乎大抵人非**堯舜**安能每事盡善其不善者即名為惡我能為之遏之使之不至自棄復得勉而從善人誰不貴於善一言一行苟有可取即名為善我能為之揚之使人皆得聞知爭相率而為善天之休命豈不然乎天之休命本如此我今於物亦如此豈非順天休命乎。**中庸**曰舜其大知也與隱惡而揚善舜尚如此况餘人乎。是故**趙康靖公**察專以掩惡揚善為務。**邵康節公**雍樂道人之善不及人之惡此皆得夫遏惡揚善之說者也。惜人不知成人敗人皆在一言出口之言其可不謹。昔**寇萊公**之在鎮也因生日造一山棚為監司所奏上大怒玉音甚厲謂**王文正公**曰**寇準**每事必欲做朕何也。**文正**曰**寇準**

誠賢能但駭耳上曰但駭耶遂不復問。邇非**文正**一言則山棚之怒安得便霽賢能之說安得上聞乎。**王曙**治蜀盜無輕重皆論死有謗其太苛會**劉燁**召還**真宗**問曰安業與**王曙**治蜀孰優燁曰凌策值歲豐故得以平易治之。**王曙**值歲歉慮民為盜不得不繩以法易地則皆然也。**真宗**善其言邇非**劉燁**一言則太苛之疑安得遽釋皆然之語安得上聞乎。此遏惡揚善**太上**所以稱為善人**易**所以讚為順天休命也。

**贊**曰善惡之念實同一初舉抑進退如轉轆轤過彼揚此繫其機樞春意所感百誓昭蘇**易**順休命其天心乎

推多取少

**傳曰**推多取少似主兄弟言之大抵義屬天倫臨財自當如是苟或反是義復何在况財者尤貴乎義天之察人多在乎此今日取多豈遂多乎今日取少豈遂少乎昔**謝包**與兄弟析產奴婢取其老者田疇取其荒頓者器物取其弊折者**徐積**與二叔析產先請二叔畢取所欲惟餘一篋圖書兩間弊屋**積**怡然受之略無慍色又如**魏公**咸熙之略取一二**神童**淳之**續**之但取圖書**杜正獻**行之盡與諸昆**杜神童**淳之悉與季弟此皆推多取少者也至於官爵亦有推而

不受者如**中**兩遇郊恩悉推以官其二弟**徐**恩命已下復推以待其兄之子猶子官之是也彼錙銖必校尺寸必爭者旋踵破敗何足以此而語之哉**贊曰**知雄守雌大白若黑不貪為寶**老氏**之齋自廣狹人豈曰盛德意防侈大身務儉抑徒以財言未盡天則

受辱不怨

**傳曰**按**經**昔有一人讚佛為大福德相聞者乃大怒曰生才七日母便命終何者為大福德相讚者曰年志俱盛而不卒暴打而不嗔罵亦不報非大福德相乎怒者心服大抵惟有福德方能如是惟能如是乃有福德固非局量褊淡者之所可窺不聞本朝大福德者乎昔**呂蒙正**拜參政將入朝堂有朝士於簾下指曰是小子亦參政耶**蒙正**佯為不聞既而

同列必欲詰其姓名蒙正堅不許曰若一知其姓名  
終身使不能忘不如不聞也富文忠公少時嘗有詔  
之者文忠聞如不聞或以告之文忠曰恐誤他人曰  
明呼公名弼曰天下豈無同姓名者竟置不問此固  
文士或亦能之若夫武臣而亦能者誠亦可取狄武  
襄為真定副帥一日宴孫沔有劉易者亦與坐易素  
疎訐見優人以儒為戲乃勃然曰黥卒乃敢如此甚  
至詬罵武襄不絕口俄又擲樽俎而起時孫沔觀武  
襄氣殊自若不少動笑語愈溫易歸方自悔則武襄  
已踵門求謝矣王為添差都監從征劉曰謹愿  
寡語狀若無能動輒為同列詬斥王不問惟盡力王  
事奮不顧身竟能衝破賊軍遷統制非氣量超越能  
如是乎此皆有前程享福德處孰謂佛語為不然乎  
贊曰顏子不校隨會能賤下祖楊師德唾面稱  
美當時垂芳記傳心和氣平笑觀物變虛舟飄瓦  
吾又何怨

受寵若驚

傳曰太上於寵辱章曰寵為下得之若驚失之若驚  
是謂寵辱若驚今於此篇又曰受寵若驚然則受寵  
果若驚乎大抵福兮禍所伏當受寵時不無盛滿萬  
一盛滿則便有無限禍事伏乎其間一旦寵失禍必  
勃至豈不果可驚乎是故君子受之常若驚也昔  
文正公曰初登第知平江即通判鄭州尋拜右正言  
知制誥改集賢殿修撰遷翰林學士拜工部侍郎參

知政事加同平章事從封泰山祀汾陰兼王清昭應宮使迎奉聖像天書刻王兗州太極觀奉<sub>上</sub>寶冊使拜太尉兼侍中晚年官益重每家人出賀必止之曰遭遇如此愈增憂懼何可賀也及爲朝修使自禁中乘車輅出都門百官餞送莫不交口稱賞公之榮遇公則不然曰但覺反側不安耳他人處此能如是乎

**張忠定公**詔之拜吏部侍郎也謂所親**李敏**曰今蒙聖恩擢爲天官少宰可畏可畏若轉下而思則身必危轉上而思則恐必敗慄慄若有懼色他人處此能如是乎惟其如是所以能有其寵苟或不然不免立取禍敗不聞**盧多遜**與种放之事乎**盧多遜**初拜參政服用漸侈其父**億**即愀然不樂曰吾家世儒素一

且富貴遂至如此未知稅駕之地矣多遜不能念父之言竟以事敗**种放**初爲朝廷所召聲名大振其母即志謂放曰吾勸汝勿聚徒無求名今果爲人知不得安處矣放不能念母之言竟以名敗此皆受寵不能若驚者也

**贊曰**犧尊青黃乃木之裁孤犢衣繡寧活草萊軒冕所寄外物儻來貪榮保存禍身之胎夫知道者可不懼哉

施恩不求報

**傳曰**君子有心於施恩無心於求報苟有心於求報即是利在於報初非爲人報未必可求而怨必先之烏足謂之恩哉是以不求之報常見於無心之恩昔

**尚霖**為巫山令邑尉**李鑄**最強幹無何感疾遽至困劇霖憐之因請所託尉救淚以老母少女對及卒霖為割俸送其母及其函骨歸河東且為嫁其女子士族一夕夢尉如生時拜且泣曰公本無子感公之恩已為力請于帝今得為公之子矣是月霖妻果孕明年解官泐流而歸每遇灘險必見尉隱約立岸上如指呼狀將抵荆渚又夢尉曰某明日當生府公必以小合送及生府公果以小合貯粟米為糜粥之須因呼之曰**合**名之曰**顯**及長極敦厚敏於仁而篤於孝官至大理寺丞**字文英迪**初領黔江都獄民有**扶愛**之者嘗訴漕臺官吏適坐事繫獄官吏恨之必欲文致于法**英迪**為之不平力為辨雪竟從輕斷又三年

英迪泐檄道由南賓泝流而歸時六月忽大雨水遂暴至波濤如山中流纜絕舟人拱手坐待傾覆俄見一小舟冉冉出沒於煙波間遠來相救既濟乃扶愛之也相顧大驚曰吾昔日平黔之獄初非有意於君君今日冒險而來亦豈知將溺者之為我豈天意故以彰其事乎相與感嘆者久之嗚呼當霖之為尉也不過曰同官當如是而已安知有今日為子之報乎當英迪之為愛之也不過曰斷獄當如是而已安知有今日救溺之報乎此皆無心之恩不求之報者也曷使有心則未必然也古語云恩雖亂施有不期而自會怨不可作恐窄路之或逢真至言也

**贊曰**怵惕惻隱仁心自生內交要譽利心乃萌仁



本夫理遇物而身利則人欲其未必爭毫髮千里  
宜謹權衡

與人不追悔

**傳曰**老子曰既以為人已愈有既以與人已愈多大  
抵人之臨財多至吝嗇一毛不拔者有之與而復悔  
者有之今也乃能與而不悔非真實樂施安能如是  
福德自此而長豈不愈多乎昔**柳仲塗**少時飲  
于酒肆見一書生將謁**魏守**求貲葬其父母**仲塗**問  
所費幾何書生以二十萬對**仲塗**即日歸家罄其所  
有得白金百兩見錢數萬悉以與之略無吝色**范文**  
**正公**嘗遣其子**堯夫**歸姑蘇取麥舟次丹陽見故人  
**石曼卿**以三喪未舉不得歸盡以五百石麥舟付之

既歸未及言**文正**曰見故人否**堯夫**以**曼卿**三喪未  
舉為對**文正**曰何不以麥舟付之曰付之矣**文正**大怡  
然喜見于色若二公者是有悔乎此固偉人宜有此  
舉然求之其次不為無人比**文正**者富室也嘗值歲  
歉出粟千石以貸鄉人明年又歉人無以償公即對  
衆焚券曰債已了矣不須復償明年大熟人爭償之  
一無所受明年又大歉公復竭家貲設粥以濟賴以  
全活者動以萬計死者復為瘞之或曰子陰德可謂  
大矣公曰陰德猶耳鳴已自知之人無知者子今已  
知何足為德**文正**浩然者亦富室也拯濟貧困積四十  
餘年未嘗少怠若二公者亦有悔乎其後**柳仲塗**益通  
顯**文正**孫皆登第所謂愈有愈多豈不然乎

**贊曰**為德不終古人所賤與其諾責寧有已怨君子不吝果於為善貨惡棄地藏已則淺隨力所及  
斯謂方便

所謂善人

**傳曰**孔子曰善人吾不得而見之矣得見有常者斯可矣然則善人者當何修何飾而能到其地乎曰無他但能踐篇中之言即能到其地也篇之言曰為臣當忠為子當孝兄弟當睦夫婦當和正己化人慈心於物不欺闇室不履邪徑進退以道積累有功卹寡矜孤敬老懷幼憫凶樂善濟急救危不銜已長不彰人短過惡揚善取少推多受辱不怨受寵若驚施恩不求報與人不追悔人得人失如已得失乃至澤被

昆蟲仁及草木所踐如此非善人歟昔**宗**命安輿迎之坐之御榻既致政因上元張燈

之側手酌御罇且選異核之珍者賜之曰如卿者真善人君子也兩在相位未嘗有傷人害物之心此朕所以念卿也公歸語其子曰吾雖無竒功偉績驚世駭俗然未嘗蔽人之善忌人之進不欺暗室度德守分於此四者自謂允蹈今蒙聖上崇獎對羣臣前以善人君子見稱夫善人君子者男子極善極美之稱也**尚**云不見吾何人而敢當之乎汝曹當念聖上崇獎之言吾平日所踐四者之說於君忠於親孝修謹自立庶幾可以無忝其子**宗**亦能恪守先訓為一時聞人參政**李公穆**之死也上即時臨喪哭為

之慟既而顧左右曰天不使好人為朕輔佐耶何至奪之之早示諱問文正曰從叔為事何如而能使聖上痛惜如此公曰參政公清簡亮恬憺寡欲直不物曲不苟合乃至學術之該博識量之深粹真大雅君子矣加之善與人交敏於從政是故捐館之日識與不識莫不交口嘆惜不然何以感致萬乘之尊親臨其喪為之長慟乎嗚呼二公所踐真可謂允蹈夫篇中所謂善人之說也得名善人豈為過哉

晉書六陽元為善長寸陰不容純乎天象受天之中在人能養推而行之安利勉強陽長陰消此心天廣

人皆敬之

傳曰案巨源為縣令因買羅於公廳上羊自問託其侍婢從屏間見之即恚曰不意今日乃來代事一箇羅綰牙郎因求去不可留范諷為御史中丞有一閣吏隸臺已四十餘年事二十餘中丞每能道丞之賢否丞賢嘗聲咤時所執之杖必橫否則直此語久已喧傳為中丞者惟恐其挺之直也一日挺直諷驚問故則曰此見中丞約客喻庖者至于數四某私意異時作相亦復如此每事喋喋豈不煩碎心實鄙之不覺挺之直也諷愧謝者再三嗚呼此皆舉措偶失已不為婢僕所敬如此况能使人皆知敬之乎當知人皆敬者必其真可敬也不聞溫公與劉大諫之事乎昔溫公之赴闕也衛士見之莫不以手加額乃至

百姓亦復遮道告白公無歸且留相天子活百姓時  
**王闢之**之過青州道見村民數百亦復懽呼踴躍皆喧  
**傳曰**司馬作相吾儕大快活矣公薨京師之民爲之  
罷市而弔鬻衣以奠四方會葬者數萬人乃至嶺南  
封州父老亦皆相率而至炷香於頂者九百餘人非  
人皆敬之能如是乎。**劉大諫**之在宋也人皆謂若過  
南京不見劉待制如到泗州不見大聖及薨耆老士  
庶乃至婦人女子田夫野獠市井小民莫不爭持香  
劑誦佛書以哭公門爲填壅不得入因設大爐於廳  
下以受其香香價爲之踴貴非人皆敬之能如是乎  
又如**甲**之在閣下**楊文公**性詼諧一時僚友無  
不被其狎侮至公則曰第四廳舍人不敢奉戲**陳襄**

**陳烈****周希孟****鄭穆**皆以知天盡性爲學天下之重爲  
已任士人宗之號曰四先生雖誕突盜傲不可率者  
亦不敢失禮於其門**富文忠公**嘗乘小轎過天津橋  
人隨觀之市中爲之一空**徐孝節**廬于墓側城中之  
人日往致敬市中亦爲一空**申頴**特立獨行每過市  
肆市人必爲之起**邵康節**每出游城中士夫無不倒  
屣而迎此亦人皆敬者非真可敬能如是乎  
**贊曰**敬心之生得於未施**林宗**之巾**紫芝**之眉至  
于**君實**走卒所知匪求于人人則即之不然**回紇**

曷拜**子儀**

天道祐之

**傳曰**天道祐之之說即**易**所謂自天祐之吉無不利

之說也。大抵天道無親，常與善人，不言而善應，不召而自來。我果有以格之，無有不為所祐也。昔劉器之既登第，不即就選，復歸從學。每以深雕閱，斯未能信為戒。大為溫公所知，初拜諫官，即抗疏二十有四，甄別朝臣邪正，又抗疏一十有九論章傳。小人不可用人，皆為之縮頸。公則不問及傳用事，公遂遠竄。人言春猶梅新與死為鄰，高竇雷化說着便怕。凡此八州公歷其七，雖盛暑畏途，亦必令所屬監督日行一程，或泛海冒險而行人，皆謂公必死，公則安然。年八十未嘗一日病時，公貶所有一納粟者，揣知傳意，自求為傳殺公。傳即日自選人擢為本路運判，其人飛馭徑至距公貶所才二十里而止。明日將有以處公左

右，莫不為懼。無何夜半，忽聞鐘鳴，則運使者若為物擊，暴吐血而死矣。鄉使運使不死，公則必死，非天道祐之能如是乎。庚子歲者亦吉人也。其父出守巴西，遷寧蜀而卒。子輿扶護而歸，時秋水方壯，灑瀕微露水面而瞿唐之流尤為湍悍。天又欲雨，舟人大懼。子輿因仰天大哭一慟，未終而水已退減二十餘丈。既過水，復如初。鄉使水不退，減事將如何。非天道祐之能如是乎。當知天道祐之特在我而已耳。况忠孝者百行之冠冕乎。所謂善者此其首也。

**贊曰**天者公理當然而然，非有好惡，孰司其權。與善輔德，助順尚賢，惠迪之吉，動相周旋。誰祐我者，在已之天。

福祿隨之

**傳曰**詩曰樂只君子福祿申之樂只君子福祿膺之此即篇中隨之之說也大抵善人君子其吉祥愷悌足以招致福祿是故所至不求而自然來宜有若隨也昔**富鄭公**以直言危論為諫官既知制誥宰相不悅因薦公使不測之虜時**歐陽文忠公**上書引**盧杞**薦**顏質**使**李希烈**事言宰相欲害公也書入不報及公使虜一言之間乃能使虜之君臣相與誦公之言修好中國不用兵者幾百餘年使回除樞密直學士又除翰林學士又除樞密副使皆力辭不受踰月除樞密使又辭上必待公綴班乃坐豈非福祿隨之而然乎此固大福大祿非粗能有成者之所敢望然

各在其身言之但凡有成皆福祿也醫官**醫官**者本鄙野庸夫也然能善用其心病無大小皆急赴之一日上不豫或薦其能一服果愈於是寵冠諸醫出入宮禁半年之間金如熟薄所積已二萬餘片酒如上樽亦常貯三千餘瓶此雖未足謂之福祿然在甄身比之曩日非福祿乎當知福祿隨之亦在我而已耳

**贊曰**頹天陋巷**夷**餓首陽貧歸**原憲**刑及**范滂**福祿之應幾於反常當知數子日月爭光此福此祿千載明昌

眾邪遠之

**傳曰**眾邪者不正之類也其類不一故曰眾邪大抵

邪正殊途勢不兩立正之所至邪自不容譬如日輪照於冰山日固自如冰當自釋所謂遠者求之于古如禁呪之不能加**傅奕****素娥**之不敢出**梁公**是也昔西域獻一僧善呪術能呪人令死呪衛士衛士死呪壯勇者壯勇者死太常少卿**傅奕**自請令呪既呪奕無所覺其僧若為物擊而死矣**武三思**嘗買得一妾名**素娥**真絕色也每宴朝士出以自誇一日約**梁公****傑****仁傑**將至**娥**遂深匿不肯出**武**入呼之則入堂奧隙中聲若屬絲曰妾本花月之妖**梁公**正人何敢出也自此遂不復出求之于今如**方公**諸君是也**方謙**之者清靜自居味道為樂者也時所居之方多病山瘡謙之書名與之無不立愈或請其方謙之曰嘗聞

心正可以治邪吾居貧無財可施但日誦法輪道德經隨喜衆善慈悲靖惡自謂可以自治亦可治邪如是而已此則見名而遠者也**張乖**處者始終挺然無所屈撓者也與高士**傅霖**相善一日款于近郊夜飲劇談時彼方大疫諸鄰多有病者是夕如洗頓然皆愈明見鬼物云云若為二公而去此則聞聲而遠者也**彭公**者淡然寡欲廉謹不苟者也嘗知湖州州宅素號多怪前後守臣不獲安處及公到官乃至解去未嘗問其怪之有無其怪亦不敢輒呈伎倆始終帖然殊無小撓此則見之而遠者也非我有以服之而然乎至於**張玄感**之任淮南漕也則不然矣到官之後日為鬼物所撓時有一武弁善治鬼因命治之

既至此曰運使尊官 朝廷重任尔等何鬼輒敢干之鬼乃大笑曰我豈比你班行苟且取奉以求薦舉自此益塗糊上鵝下突不可制豈非兩皆無以服之乎

**贊曰**有道之世其鬼不靈清明在躬物無遁情無邪尔思所存者誠泰宇既定迅雷不驚是氣無餒何物敢撻

神靈衛之

**傳曰**神靈者聰明正直者在處皆有之也所敬者道德所與者忠孝所契者正直所取者陰德然則人其可無是四者乎苟果有之神靈無不衛也昔**魏**自成德移帥中山將至沙河前驅回白水暴至不可前公曰業已至此避之何益命速具舟既濟行李未絕而波濤如山後騎猶有未得渡者時徐濟之民皆見公方渡時有神龍偃截上流水為之立淺**梅公**嘗知滑州夜報河決公即躬率官屬分役兵夫夜趨河上隨處堤塞正窘急間明見一白鬚老人載一舟稽稗往來佐助意其豪民心大喜之及水定天亦曉命吏請之則白鬚老人不復見矣此皆神靈衛之者也

**贊曰**神之為道聰明正直洋洋在上鑒臨微側呵禁不祥以奉有德匪求于神彼則受職惡人反是神所罰極

所作必成

**傳曰**世間無不成之事夫下皆可作之人苟有其志



無不成也。昔張仲實之祖本一善謀利者，但以翻然改圖，篤意教子，其子仲容、仲實、果皆登第。明年仲安又登第。于今儀本一市井小民，亦以翻然改圖，篤意教子，其次子傑、姪子儼亦皆登第。然則有志之士，欲有所作，其有不成者乎？况能力行衆善者乎？竇公之事，便可見也。竇公，禹鈞者，燕山人也。初夢其祖謂曰：汝無子，又不壽，曷不早修陰德，以回造化？禹鈞惶懼，於是內外姻婭有喪，未舉有女未嫁，皆助成之。乃至焚券嫁僕夫之女，得金還去失之人，苟可修德無不爲者。又於所居建四十間屋，聚萬卷書，延文行師儒居之。師席有志之士，聽其自至，由是英俊四集。由公門而貴者，前後接武。公之身官至左諫議大夫，年八

十無疾而卒。少爲洞冥真人，晚得五子，皆登第。儼，禮部尚書儼，禮部侍郎。儼，左補闕。儼，參大政。儼，起居郎。嗚呼！欲長壽而得長壽，欲得子而得五子，欲官爵而有官爵，好修德而得登真，然則世間所作是有不成者乎？

**贊曰**：求仁得仁，叔齊、伯夷，孳孳爲利，公之歸天，既與善惡亦稔之，貪回陰狡動遂，其爲成效美惡，要終可知。

神僊可冀

**傳曰**：長湯，閔道藏身，一壁魚身，有五色爛然，奪目及開經卷，則神仙字處，蠹蝕殆尽，乃知壁魚蠹蝕神仙字，遂能身有五色也。何諷買得一軸道經，經中有一

物狀如髮捲規可四寸循環無端既而絕斷則頭尾  
兩皆水出滴可升餘徧以問人無能知者一日遇一  
得道者幸以問之則曰君遇此物而不能羽化命也  
此乃壁魚三蝕神仙字化為此物名曰脉望以規映  
星星使立降可得還丹復取其水服之便得換骨諷  
歸取經畢讀則一軸之中神仙字處字字果皆蝕及  
又知壁魚三蝕神仙字遂能化為脉望也嗚呼一虫  
尚尔况以人冀神仙其有不可冀者乎大抵人之與  
仙性真本一第以情勝遂失其真一旦反真塵情俱  
尽即神仙也况能濟之以善求之于古如**子房**之忠  
**吳猛**之孝**田進賢**之不失婦節**蘭蘭**之友于兄弟**刘**  
**翊**之損已分人**趙素臺**之濟窮卹死**許真君**之行符

施水嚴君平之以善導人**周伯**之收瘞遺骸

**郎**之不欺斗斛**陳安**之不殺物命**之拯濟**

飢禽楊敬直之閑則凝神**唐若山**之性無忿恚乃至

**黃萬祐**之鮮過**景相**之酷好放生**本一醫人**

**吳陸**本一縣吏**劉妍**本一妓女**本一店吏**實生

本一屠兒**丁約**本一兵卒**朱純**本一劫盜**本**

一獵人此皆自人而得仙者也求之于今如**鬼公**迥

之為**靜吳**夫**王章**公**史起**之為**司命**真君**公**之

為**京侍**郎**呂**之為**上帝**司糾**韓公**之**主紫**

**府**富公**之司**富**高**之**掌**聖**鐵輪**金公**三**

之為**伯**風伯**張**之為**嵩**山**主**者**實**公**萬**鈞

之為**相**公**真人**乃至**歐陽**公**備**之**主**神清**王**公**安國**

之主靈芝呂公溱之主義事在公延年之主芙蓉陳  
公靖之判司直田公承君之主維陽此亦自人而得  
仙者也按經云今中元二品左洞陽宮所總地上九  
皇土壘四維八極其靈官僚屬共有九万九千九十  
九万衆皆是在世有功之人受度而得進補其職如  
吾鄉臺法何公熙志以注金剛經有補於世死後乃  
得補爲西嶽點檢曆數官此雖嶽府是亦受度孰謂  
神仙爲不可冀乎其間亦有欲冀而終不能冀者非  
仙之不可冀也所踐未足冀乎仙也不聞三真人之  
言乎釋曰仙之求人甚於人之求仙頌曰人嘗  
以不得見吾爲恨雖日見吾而不能行吾言於事何  
益此皆嘆人不能冀夫仙也

贊曰神仙之說多謂渺茫求而不得漢武秦皇亦  
如釋教地獄天堂天堂果有必處忠良地獄果有  
小人之鄉

欲求天僊者當立一千三百善欲求地仙者當立三百善

釋曰天僊地仙之有差在乎立善多寡之有異篇中  
已自言之固不在論請以百尺竿頭更進一步之說  
言之庶幾已得仙者不復從墜一向超昇未得仙者  
不假他求即日便到釋曰曰仙有十種一曰地行仙  
二曰飛行仙三曰遊行仙四曰空行仙五曰天行仙六  
曰通行仙七曰道行仙八曰照行仙九曰精行仙十曰  
絕行仙既而又曰是等皆是不循正覺別修妄念存  
想固形遊於山林人不到處壽千萬歲斯亦輪回妄

想顛倒報盡却來散入諸趣

堅固服餌而不息息食道圓成名地行仙堅固草木而不息息樂道圓

成名飛行仙堅固金石而不息息化道圓成名遊行仙堅固動止而不息息氣精圓成名空行仙堅固精液而不息息潤德圓成名天行仙堅固精色而不息息吸精圓成名通行仙堅固禁呪而不息息術法圓成名道行仙堅固思念而不息息思憶圓成名照行仙堅固交遊而不息息感應圓成名精行仙堅固變化而不息息竟性

圓成名絕行仙

**鍾離**

曰仙有五種一曰鬼仙二曰人仙

三曰地仙四曰神仙五曰天仙既而答大道之問則

又曰道本無問問本無答萬物之中最靈最貴者人

也若能窮萬物之理盡一己之性窮理盡性以至于

命全命保生以合乎道自然與天地齊其堅固而同

其長久矣

一者不悟大道惟務速成正心若死灰形如槁木神識內守志不移定中以出陰神然窮其歸究竟只名清虛之鬼不得

為純陽之仙名曰鬼仙二者暫於人中得聞大道然業重福薄或以魔退或避在一偏僻守不變絕五味者不知有六氣志七情者不知有十戒行咽嗽者笑

吐納之為錯者採捕者指清淨之為愚好接物以奪天地之炁者不肯休養好存想而採日月之精者不肯導引孤坐閉息者不知有自然屈體勞形者不識

於無為但能延年安樂而已名曰人仙三者法天地升降之理取日月生成之數身中用年月日中用時刻識龍虎配坎離辨水源清濁分氣候早晚收真

察二儀別三才分四象別五行定六炁聚七室序八卦行五行九州領八氣傳子母液行夫婦三曰反復燒成丹系束鎮下田煉形住世長生不死者曰地仙

四者已得地仙用功不已超凡入聖却反三山名曰神仙五者已得神仙傳道於世於道有功為人有行功行滿足超居洞天便得効職列為仙官若又於天

地有大功於古今有夫行儀比漸進階階陞擢歷任三十六洞天

反於八十一陽天復從八十一陽天超入虛無自然之境名曰天仙

然則**釋迦**所謂正覺**鍾離**所謂大道果何說哉夫正覺即大道

大道即正覺也大抵必欲識取自心不落情解不聞

**僧那**

之說乎**僧那**曰欲明自心但於日用中行住坐

卧常自審諦思察遇色遇声未起覺觀時心何所之

是有耶是無耶既不落有無處所自然心珠獨朗常

照世間無一塵許間隔刹那頃斷續之相此即正覺

即此大道也是故**呂真人**既因不孝鍊金而得度世

矣又因聞應无所住而生其心之說而留次始得證然既得留次豁然矣又嘗飯僧於潭之興化**孫真人**

既以留意方書而得度世矣又嘗咨決於唐之**宣律**既得咨決於**宣律**矣又嘗聽保塔品於成都之**無名**行僧此即百尺竿頭必欲更進一步者也若夫立善自當然也縱不求仙亦當然也

**贊曰**禮儀三百威儀三千待人而行人道乃全積功累善必有後先條目嚴備毫髮罔愆是乃仙道以人合天

苟或非義而動皆理而行

**傳曰**理也義也人心之所同然者也**孟子**所謂義理即篇中所謂義理也夫抵義理在人不可非背苟或非背不免追隨沉沒闡半無於不至矣其肯清靜自居味道為樂乎請以一二君子言之庶

幾稍知愧耻昔**郭延卿**以文行著名厭世澆薄葺園圃於水南居之凡二十餘年足跡未嘗至城市少與**張文定****呂文穆**游**張****呂**相繼作相薦之于朝得職官不肯就時**錢文僖****惟演**為留守**謝絳**為通判**尹洙**為掌書記**歐陽脩**為推官皆一時文行之士慕其為人一日屏騎從同謁**延卿**對談良久**延卿**以陶樽果款進**文僖**愛其野逸引滿不辭至晚吏報申牌府吏牙甲羅列庭下**延卿**徐曰公等何官而從吏如是之多**洙**指**文僖**曰此留守相公也**延卿**曰不圖今日肯顧野人相與大笑更進數盃暨日入公辭歸**延卿**送出曰某老病不能造謁幸勿訝**文僖**登車茫然自失如入神僊之境既而嘆曰此人視富貴為何等事乎此

則士大夫中清淨自居味道為樂者也**杜五郎**者本  
田家也亦確然有守所居距縣三十里惟兩間小屋  
一其自居一其子居之枵然一榻更無他物時繁陽  
**尉孫軫**慕其為人乘閑謁之良久曰某村民無能何  
為見訪**軫**因問何以不出笑曰無用於時無求於人  
偶不出耳又問何以為生曰鄉居邑南有田半頃與  
兄之子共耕兄子既娶自度不足贍盡以付之因携  
妻子至此適鄉人有兩間閑屋因借居之初則賣藥  
擇日以自給及兒子長成鄉人又以三十畝田令佃  
耕有餘力又傭於人自此稍足不欲與人爭利醫卜  
之類一切罷廢又問終日有何所為曰端坐而已又  
問曾看經否曰二十年前曾看一本**淨名經**初見其

議論的當心頗愛之今已忘却經亦不知所在矣對  
語移時氣韻瀟灑言詞精簡軫大敬嘆曰真有道之  
士也自此數數訪之此則田野間清淨自居味道為  
樂者也彼非義背理而無所不至者視此得無愧乎

**贊曰**理本法意義為條式原情定罪一毫不易銖  
銖戒謹猶差於石矧越繩矩肆為頗僻人而不誅  
底天之辟

以惡為能忍作殘害

**傳曰**天道常與善人爾乃以惡為能天地之大德曰  
生爾乃忍作殘害違天背地非爾而誰所謂能者不  
自以為非也所謂忍者殊無惻隱也諸惡之中莫此  
為惡殘害之中莫此為慘地獄之設端為是人異時

牛頭阿旁之屬亦豈恤爾而不加毒乎請以不忍之說急速救之庶幾不至已作而不可復救昔西域僧名**賢稱**者來入中國**揚文公**德一見即加禮既而求去不可留因命譯者問之則曰我土全不食肉今入中國在處皆屠殺猪羊懸肉市肆甚不忍觀吾意不樂居此暫到五臺禮**文殊**即歸矣**山公**詩有蔽牙已作小兒拳之句**張閣**一見即蹙然不樂指為忍人此但詩人狀物初非忍者蓋閣為河內推官而通判**夏竦**惟蔬食誦經閣亦斷肉故有此語若使世人皆能有悟如**覺公**如**張公**於一切物常存不忍愚保其必不敢以惡為能而忍作殘害也今故首表出之然後略叙因果昔**陸孝政**欲收一聚蜂收不可得即怒

盡以熱湯沃之死無遺者未幾復於其地忽為一大蜂所螫而死**周昂**嘗晝寢戶上有一鷲巢三鷄呢喃待哺**昂**怒恚以蒺藜與之三皆曾裂而死其後三子皆暗**金華寺**有柏數株忽生毛虫色黃而長近二寸蠶食枝葉莫知紀極寺僧**秀榮**惡之悉命掃除埋瘞或棄於柴積其徒**秀仁**又取柴積曬於日中俟虫死方以供爨數年**秀榮**卒時寺內別有一僧亦卒既而得還語**秀仁**曰某到陰司見**秀榮**荷鐵枷坐烈日中有萬萬毛虫緣遶啞啞苦不可忍**秀仁**聞而大懼不數日亦發背而卒**太慈寺**僧**修準**新開一軒四面皆竹欄檻上多有蟻子緣遶**修準**怒立伐其竹盡取蟻子棄於火中未幾忽患癩瘡頭面尤甚命醫視之醫

曰此名蟻漏瘡不可療也未幾遂卒又如**王愈**忿鵠之噪而生斷其舌其後竟死舌瘡**張縠**忿蛙之鳴而沃以熱灰其後忽為湯爛然則人之於物是可以惡為能而忍作殘害乎既作得無罪報乎

**贊曰**智伯之賢**盆成**之才明推**丹朱**捷稱**惡來**受天異稟如木產材用以為善其孰禦哉以能濟惡豈不可哀

陰賊良善

**傳曰**陳平多陰謀自知必當無後**公孫洪**好陽與其後不復顯聞大抵陰謀不免陽與陽與便有陰謀譬如彈丸擊物最為暗中施之餘人皆不可施之良善則尤不可也蓋良善者民之望也在一國則一國重

在一鄉則一鄉重其可陰賊之乎昔**李林甫**未顯時在槐壇遇一道士戒曰君名已列仙籍縱不白日上昇亦必為二十年太平宰相異時事權在手切記吾言不得妄有陰賊**林甫**既貴不復憶記一味恃寵多所賊害久之復夢道士責曰君豈忘吾言乎今果獲罪矣於是命吏引入一處**林甫**耳中惟聞瀟瀟風水聲既至則府署嚴飾帳榻華侈**林甫**復自喜曰正令居此亦自不惡道士笑曰此乃鱗介所居其間苦事最為慘毒君尚以為不惡欲如何而後謂之惡乎**林甫**駭然汗洽而寤此則以陰賊良善而將生水族者也**許文規**被攝至冥司以曾活一人得延一紀而還既出望見一門守衛甚嚴許以問吏吏曰此都獄也



但凡世間讒譖忠良毀敗善類常行陰賊之人死後無問貴賤皆當治罪于此此則陰賊良善而必入地獄者也孰謂爲之爲無罪乎當知明白洞達坦然易見者近乎陽也姦險狠愎深而難知者近乎陰也平生宅心於陰死而復歸於陰理之必然亦無足恠所謂水族所謂地獄非陰界歟

**贊曰**犯法舞法冒法則均鬪殺謀殺同於殺人至於定罪輕重不倫舞設智數謀秘鬼神發必命中亦中其身

### 暗侮君親

**傳曰**在人臣言之一味姦諛肆其欺罔暗侮也在人子言之空事虛文情實不至暗侮也但凡爲臣爲子

而不能尽其所以事君事親之誠皆暗侮也使爲臣而皆暗侮其君爲子而皆暗侮其親則爲君爲親者尚何望於爲臣爲子者乎害教叛道莫此爲甚

**大正**所以言之昔**曹武惠**在宥嘗常公服危坐如對

君父既歸私第亦必閉閣宴居不敢妄通賓客五鼓纔動即待漏於禁門如此八年雖雪霜甚寒未嘗輒

易其操**王文正公**雖在私第亦如在朝一日歸自

朝中即冠帶入靜室默坐不出家人惶恐亟遣其弟詢之**趙公****安仁**曰適議事公不欲行未決而歸

必憂國家耳彼暗侮其君者視此得無愧乎**郭琮**少喪其父獨有母在常懷罔極之嘆凡三十年不茹葷不飲酒朝夕虔禱必欲爲母祈壽其母**張氏**果得一

百四歲耳目不衰飲食不減**孟**者市井人也日以  
販賣果實養其父母雖不知孝問而於溫清定省出  
告反面之道皆能曲及其至知孝問者往往不及其  
父死寢苦於地不食監酪哀毀過節幾至滅性如是  
三年始終如一彼暗侮其親者視此得無愧乎惟其  
不敢暗侮所以**曹氏王氏**二家特盛**郭琮**明詔褒賞  
旌表門閭**孟**因掘地於鋤下得金遂成富室然則  
天於忠孝其報之也曷嘗爽乎

**贊**曰恭不侮人偽無載尔事父事君恭莫大此不  
用吾情是欺而已有靦面目爲人臣子借曰未知  
神明彰矣

慢其先生

**傳**曰先生者所以傳道授業解惑者也片言豆  
悟一字之傳皆所自也其可慢乎昔**胡安定**之爲先生

也如**錢溥**之淵篤**孫覺**之純明**范純仁**之直溫**錢公**

**輔**之簡諒皆一時知名之士其於先生則不啻如子

弟之事父兄未嘗聞其慢也**孫明復**之爲先生也如

**石介**之該通**張洞**之辨博皆魯之尤賢而有道者其

於先生行則從升降揖拜則執杖屨而侍肅然其恭  
亦未嘗聞其慢也又如待制**彭汝礪**少嘗師事桐廬

**佛天隱**及官保信即迎天隱置于齋閣執弟子之禮

甚恭天隱死母猶未葬明年妻亦死又且無子公爲

葬其三喪又爲嫁其女于同年進士**宋渙**尚書**王存**

少嘗師事穎川**陳俊**俊死無子存爲立其弟之子官

之由是後妻得有所託此則又能不忘先生於既死之後者也况敢慢之於在生之日乎其間或有慢者特輕薄小人耳惜其不知為先生者大有不可慢處其開悟未達陰德最大克昌厥後皆未可知**王公**之事便可見也昔**王先生**者家極貧以教導村童為業晚得一子已八歲不能養捨與西寺僧為童其僧一見知其英物即令就冬不惜錢帛資之咸平中幸賢良方正其後為參政作樞密名位烜赫官業過人是為**文康**之子**文康**官至龍圖學士**文康**之子謹行謹言皆至大夫去取具德嘗與**康節**諸公游然則為先生者是可慢乎

**贊曰**父生師教二者並言傳道受業孰為本原服

有妻經心喪三年人倫所重天道亦然慢其所敬惡莫大焉

叛其所事

**傳曰**僚屬之於長吏卒伍之於部轄僕妾之於主翁皆所事也所謂叛者不待真敢叛之然後謂之叛也但凡緩急非所倚利害不相卹即為叛也請以一二僕卒言之庶幾出於僕卒之上者稍知愧恥昔僕夫**趙延嗣**事舍人**延嗣**為僕夫**延嗣**知制誥不逾年而父子俱卒家素貧無以為養**延嗣**義不捨去竭力養其三女凡十許年未嘗識女之面及三女長成即詣京訪舍人之舊**宋翰林白楊侍郎**微之放声大哭具道所以二公驚謝曰汝之所為吾儕不及於是合

金迎三女歸京擇良配嫁之皆得名士時徂徠先生  
**石守道**特爲傳之以激世之不能敦於義者**王達**初  
事屯田郎中**李晏**爲僕夫後應募爲兵以選入捧日  
軍適**晏**父子坐事繫御史臺獄平生親舊無一人敢  
餉問者獨**達**日守臺門供其飲食如是四十餘日未  
嘗少怠及獄具貶爲南恩州別駕從者皆辭去獨**達**  
送之**晏**忽感恚自盡**達**爲經理後事哭之如親父子  
見者無不墮淚泊事畢方敢捨去時**司馬溫公**亦爲  
傳之以戒世之薄乎義者然則世之受知於人臨利  
害而輒相棄背者曾不若趙延嗣王達之爲僕卒也  
**蔡質**曰君師長治及其受恩皆曰所事分有常尊情  
義攸託施于子孫奴僕報主犬馬戀軒我思**嬰**曰

作于九原

誑諸無識

**傳**曰楞嚴云眩惑無識疑誤衆生死後便當墮入無  
間然則誑之爲罪豈爲輕哉昔亳州太清宮有一道  
人氣貌甚揚每携一小爐於老君殿下煨藥而賣衆  
方集必指老君像大言曰我乃彼之師也衆頗惑之  
莫不皆欲多得其藥一日方指像大言忽火自爐出  
飛入其身須臾焰發五體烘燒衆皆以水沃之沃不  
能滅號呼跳躍不勝其苦良久面老君像俯伏如待  
罪狀視之則已死矣時**楊克勤**聞之于驗屍官甚的  
**張**者亦偉然其人也自言道術通神飛走之屬  
皆能呼遣至言**孔子**誅**少正卯**時彼正在傍諫其太

早又言漢楚成臯之戰彼正登高觀戰姦如**蔡**亦尚  
猶惑之每對客言及必極口稱嘆惟**忠肅**陳瓘不信  
其後事敗抵罪名士多被污讒惟**忠肅**獨免羅織然  
則誑諸無識其撥禍終可免乎大抵誑妄之人但知  
貪財不復畏罪為僧人則挾談空而誑為方士則挾  
丹藥而誑為師巫則挾鬼神而誑為醫卜則各挾其  
術而誑安知誑妄為罪非獨撥禍又當墮大地獄乎  
**贊**曰笑烈於怒志慘於兵侮玩給惑殆非人情淵  
魚可躍漚鳥易驚矧我同類万物之靈以誑為巧  
掩耳盜鈴

謗諸同學

**傳**曰人倫有五曰君臣曰父子曰兄弟曰夫婦而朋  
友居于其一然則朋友之道豈為輕乎况諸同學平  
日相處於硯席之間雍容笑語非不親厚其可妄起  
嫉心而輒加毀謗乎昔**郭**尚書**贇**初作賦即有聲時  
同季**李勉**深忌其能潛加譏毀由是**贇**連上不中選  
其後竟先登第及再知貢舉而**勉**方以明經充選詔  
下之日**勉**大悔而歸**贇**聞之亟命親厚者召還俾復  
就選遂得中第然則**郭**之所長終可掩乎今復賴之  
得無媿乎惜其不知前輩同季未嘗不相親厚也昔  
**韓**億少與**李若谷**同學又嘗同途赴試共有一被一  
氈每出謁則互為僕從是年**李**先登第受許州長社  
簿將之官**李**自為其妻控驪**韓**從後為負一籠既至  
界所惟餘八百見錢中分為二一哭而別明年**韓**亦

登第後皆官至參政世為婚姻有相謗乎又如趙安  
**仁**少嘗與宋元興同學元興蚤世裔嗣襄替**仁**既  
貴屢以清俸濟之文為訓其諸子手寫周易論語老  
子孝經凡七子人各授以一帙此則尤能不忘同學  
於既死之後者也彼不忠厚者烏足與語此哉

**贊**曰儀秦交訾敗於傾覆**道**膺忌喪身則足相  
觀而善道盛仁熟借使非才右可攻玉須友以成  
干祿百福

虛誣詐偽

**傳**曰虛也者漫浪不根也誣也者妄有污鱗也詐也  
者詭計百出也偽也者矯飾過情也離而言之則有  
四合而言之皆不誠也大抵誠者天之道也思誠者

人之道也今乃捨誠而習為虛誣詐偽即是戾天之  
道而失人之道也既戾天道又失人道不入三惡其

將何歸是故**樂**曰欲識餓鬼道者即今之多虛少

實令人不信者是

藥山曰欲識地獄道者即今之鑊湯煇炭煎炮者  
多者是欲識畜生道者即今之不識仁義不辨親  
疎者是也欲識  
餓鬼道者云云夫多虛少實在虛誣詐偽中特四之一耳

其從墜之速尚至如此况兼其四而皆犯之乎從墜

之說姑置勿論且以一二誠實之士言之庶幾皆知

自克昔**李**為監司既替登對**神宗**問曰麥價幾

何及曰臣於職事無不尽心獨不知麥價耳他日欲

得一官為諸路按察宰執屢薦其人終不能當上意

一日上自言曰向時不知麥價者為誰宰執問故上

曰朕欲周知四方利病須忠誠信實人方可委任如

麥價不知有甚撰一箇不得於是召**及**遂蒙信用**王**  
**隱**者本皇城司一健步也時河決大發丁夫隨處築  
塞上遣數輩健步往來偵視先有兩輩至言決流已  
塞水復故道俄而**隱**至其言亦然既而又曰初來時  
頗覺津流未斷恐尚煩 聖慮 上怒拘之少頃報  
至則水勢暴猛復衝壞大捷橫注數郡矣上因召**隱**  
慰諭立遷小校自是補擬校列多蒙超擢及東宮擇  
親衛指揮使已得刘謙尚闕一名上曰**王****隱**誠實可  
用即以補之其後位至待衛步軍都指揮使保順軍  
節度使得任子恩前後凡一十七人然則二公誠實  
豈不愈於虛誣詐偽而速入惡趣者乎

**書**曰不誠無物命之曰虛言不可復其失也誣偽

則奪真詐反近愚以此行已誰食其餘骨肉猜阻  
况於國都

### 攻訐宗親

**傳**曰禮曰親親則諸父昆弟無怨所謂親親者各親

其親也身既列為族屬上復同乎祖先其可不相親

乎求之前輩無若**范****文正**公言之最為切當也**文正**

曰吾之宗族居於吳中者甚多在吾固有親疎在祖

先視之則均為子孫無親疎也且祖先以來積德凡

百餘年至吾身而後發今為大官若或獨享富貴不

復少卹宗親異日何以見祖先於地下今日亦何顏

以入家廟乎是故恩例俸賜必以均及宗親又於姑

蘇近郊買良田四十頃為義莊以養羣從之貧者且

擇長而賢者一人主其出入每人日給米一升歲給  
縑一疋乃至嫁娶喪葬皆有贍給其子**純仁**尤能克  
紹其志惟守廉儉俸祿所得及以廣義莊前後任子  
之恩必先及疎屬身歿之日幼子五孫尚有未官者  
如公父子其於親親之說可謂允蹈者也又如**彭尚**  
**書**思永其撫宗族有恩**張康節**公昇常分俸以及九  
族趙郡王世開嘗捐金以贖族人之貧不及葬者**張**  
**恭安**公存嘗收卹族人之孤嫠者爲之嫁娶此亦能  
親親者也既能親親何自而有攻訐之失乎所謂攻  
訐者即今之彼我必爭絲毫必狡或相忿嫉或相傾  
奪皆是也不待如何然後謂之攻訐也戒哉

**贊曰**已惡當攻待人必恕以訐爲直聖人所惡於  
厚者薄尤可愧懼根本平時視若行路不務睦族  
彝倫攸斁

太上感應篇卷第二



三

